

INCENDE FYE IYA KWA LESA IYAPELWA IYA KU PEPELAMO



Mwashibukeni! Cansansa ukuba kuno muno lucelo. Kabili tuli abansansa, ukuipakisha pe senge likalamba pa nyimbo shakale isha cicetekelo. Ifwe twalitemwa ico. Nga imwe? Ulwimbo lwa *Ameni*. Ifyo e fintu Ena aba, ni *Ameni*, mwamona. Ena e wakwata ishiwi lyaku lekelesha iya kusosa.

² Naciba ninjikala kulya ndelanda ku munandi wakale, Munyina Brown, iyo inyimbo shacilaimbwa. Nao acitila, “Munyina Branham, Ine nshatalile mona kano mailo, ifintu iwe ulandapo.” Acitila, “Ngacakuti abantu kuti baingila fye mu fintu ulesosapo,” acitila, “conse ica kucilinganya kuti cafuma munshila.” Ico cilifye bwino icalungama. Ico cacine. Cilifye icalungama. Nga cakuti imwe kuti mwa Ci fumbata, uku Ci kata. Mwamona?

³ Ukulanda ku munandi umunono, Ernie Fandler. Nde elenganya bamo muli imwe kunse pali ba lanya mule mwibukisha Ernie, ifyo ena apilibwilwe, ifyo ena atungulwilwe kuli Shikulu. Ena talanda i Cisungu icisuma, nangu kuti Natemwa ena ukwisa nokulandapo ishiwi limo. Kabili ena asankanya ba *wi* na ba *W* pamo. Ena acila njipusha ngacakuti Nde ibukisha inshita imo ku Shawano, kuntu ena ekala. Kwali umwaume uwafwile mulya mwine mu musonkano, aponene pa cipuna cakwe afwa, umwina Luther. Twa ebele bonse ukutalala tondolo. Nasosele i Cebo cakwa Shikulu pali ena, ena aishileba no mweo, kabili abwelele pa ncito mukubomba. Um-hum. Bena tabalaba cilya, balefwaya ifwe ukubwelelamo nakabili.

⁴ Ine naumfwile ukuti mu France, muno lucelo, kuli abantu ukucila pa makana yabili aba Frenchi abali pa nshiku ishingi ishakufunga ukulya, ukuti ifwe tukaye no kutwala i Mbila ku France, mu France, Icalo conse ica ba Protestanti, iciputulwa ca calo ica ba Protestanti ica mu France. Kabili eifyo ifwe twaba...

⁵ Elyo cambile fye ukubalula nomba, ukwamba fye, icipapa cile ubukako pakuti ing’ano shingaba kunse kulya nomba. Mwamona? Eico beni fye abaicefya, twalilileni ukupepa. Mwamona? Ibukisheni, “Abo abalolela pali Shikulu, akalenga cipya cipya maka yabo.”

⁶ Nomba, kuli...Ine nale...ndeya ndekula, kabili Na tontonkenye, “Bushe Ine...Bushe kukaba na kumbi uku puputulwa, Nka mona na imbi nshita?” Kabili ibukishenifye, ukufuma ku mboshi ku kesa uukaba pali kabalwe wabuta.

Ifwe tukenda muli iyi nshila nakabili. Ico cacine. Ilyo fye tukaiteyanya. Cena bulayo, mwamona.

⁷ Nomba, Ine ndefwaya uku sosa kuli Munyina Leo. . . Na lelanda pali Munyina Wood mailo ubushiku, munyina epo ali pano. Munyina Leo, nga cakuti iwe ne bumba lyobe linono ili lekutika pali lamya uko muno lucelo; Nkashi Mercier, ba wisu bali kuno. Ine na nali bamwene mailo ubushiku. Bena bali muno mu cikulwa apantu pamo, kabili bale moneka bwino busaka busaka.

⁸ Lulya lwine lucelo ena aundepwe kulya kwi hema, kwali amafya ayakalamba yabili ayepwa londa, ni mfwafye, kabili bonse babili bali undepwe. Kabili wishi, umwaume wacikalamba no bulwele bwakusanswa ku mutima, alyundepwe nokuletwa ku bukata bwa kwa Lesa. Kabili ali muno mu musonkano apantu pamo. Ine nshile mumona pakati ke bumba nomba, lelo ena ali muno mailo ubushiku.

⁹ Amaposho kuli imwe bonse ukuya mu icalo conse; muno muli iyi ncende iisuma nganshi, iya Life Tabernacle kuno ku Shreveport, ne bumba lyonse ilya-titikana pe sukuulu lya pa Mulungu. Na mwishiba, nga cakuti Ine naleikala mu Shreveport, te kulanda nangu cimo icabipa ukulola ku muntu nangu umo, lelo iyi kuti yaba e ncende Ningalaisa ku chalichi mukupepako, pano pene pa Life Tabernacle. Ici te cilonganino. Life Tabernacle, ilelo ili, ili li hema ya filonganino fyonse. Bena bamutamfishe ukufuma mu cilonganino pamulandu wakwampama naine ne Mbila intu Nshimikila. Munyina Jack Moore, munyinane kabili icibusu, asendelwe ukufuma mu filonganino pantu aleampama naine. Kabili eico Nde tontonkanya ena alingile ukutolelwa. Ico cacine. Lesa amupaale. Kabili muleimya amaboko yakwe mu mapapo, no kucetekela pamo nankwe.

¹⁰ Kabili nomba Nkashi Moore, Ine nshimumwene nangu kumo, ena, ee, kunuma uku, ena alemoneka ngo mukashana umunono uwikele kulya muno lucelo, nafwala, ifipya, kabili fimoneke kwati fyakufwala fya pe Pasaka. Kabili cilemoneka kwati. . .Munyina Jack umwine palwakwe tacimwishiba. Nomba, nomba Nkashi Moore!

¹¹ Ifwe icine cine twafuluka Anna Jeanne na Don, na balya bonse. Ca nsansa uku kumanya Munyina Nolan, ena ali. . .umo pa bale ampama kuno.

¹² Kabili Munyina Ernie, Ine na mulombele mailo nga cakuti engemba ulya *Ameni*. Ine nali lukwata pe seleti, kabili Ni ndulenga ukukwesauka ku kumfwa lyonse kuli lwena, *Ameni*. Nde tontonkanya ena alikwate shiwi lya ulu; ilya cila pali bonse muli bena. Kabili Judy munono, Ine nacimumona; aba babili, bena bamoneka fye kwati ni ndume ne nkashi. Bushe tefyo bamoneka? Bena mulume no mukashi.

Lolesheni pali cila umo pali bena, mwamona, cinshi bena balemonekalafye abapalana. Mwamona? Kabili icine cine babili abanono abaupana abasuma. Ulya ni, namwishiba, ulya ni . . . Munyina Palmer uyo uwanininafye nombaline, ulya mwana mwanakashi wakwe no mupongoshi wakwe umwaume. Kabili ulya . . . Ena cinecine ali sendamo ulubali ku kusambilisha kwakwe bwino ukwa mwana. Kabili ena alikwata nabambi nabo, ba kashimikila abaupa nabo, na ba niba kasabankanya kabili mwibala lyabo, na bambi. Eico cena cikankala nganshi.

¹³ Nshimumwene Nkashi Palmer. Cine cine, Nshishibe nga cakuti kuti Na mwishiba nangu iyo, nga Na mumwene. Ena ali, nalimo, apantu pamo (nakuba) mu musonkano. Kulya kunuma; Lesa akupale, Nkashi Palmer.

¹⁴ Lyonse umutima wandi ulatunta inshita yonse intu Ntontonkanya pali ci. Munyina Palmer anininefye pa ma stepu mpaka, ba miniti banono, elyo Napokelele imbila ukuti ena naya. Ine nshacicetekele. Billy anjatile, kabili umuntu umo ali naikata . . . kabili bena balishibe. Ifwe twali sana ifibusa ifisuma, kabili ukwishiba ukuti ena naya, cena cali icine cine ica kutu sunkanya. Lelo ifwe bonse tufwile ukuya, nangu tube shani, tufwile ukuya umo na umo. Lelo kuli fye icintu cimo, “Na tumfwe ukusondwelela kwa mulandu onse: Tineni Lesa no kubaka amafunde Yakwe, pantu uyu emulimo onse uwa muntu,” Lukala milandu 12.

¹⁵ Nomba, Nshikwete inshita ikalamba kuli ili sambililo lye sukulu lya pa Mulungu, ne shiwi Lyandi nalikoma.

¹⁶ Tutile, Munyina Pearry Green acitile icintu icamano. Ena ang’umfwile ndelanda, ubushiku bwafumineko ukuti, “Nalilubapo apo nabikile aka papatu ka ka mushishi wandi aka ku nenga . . .” Ena antumine lamya kulya kunse no kwesha ukutuma umo ukundetela ne ndeke. Ine natile, “Iwe naucelwa nganshi, ishiwi Lyandi nalikoma kale.” Ine nalyesha imyaka iingi ukusanga inshila yaku pwishishamo, lelo ilyo Nakwete ico, cena caundepe. Lelo uno muku Nali kalaba, eico Ine ishiwi lili ilyakoma panono. Eico imwe mushipikishe na ine, nga cakuti kuti mwacita, mu kulanda.

¹⁷ Nomba, ni banga batemwa i sukulu lyapa Mulungu? Oh, owe, ico cili bwino. Cintu icisuma ukutumako abana benu. Iyo, lekeni ine nungamike ico, icintu icisuma *ukuleta* ko abana benu. Ico cili bwino, ku kuleta abana benu; naimwe kwisa. Nibanga baishiba fintu isukulu lyesu ilya pa Mulungu pakubala lyatendeke? Nikwi kuntu lya tendekele? England. Bushe lyaleitwa cinshi pakubala? *Ragged school*. Ico cacine, ukwitwa “Isukulu lya babusu.” Ngafintu Na laba ishina lya mwaume nomba uwalitampile. Bushe ali nani, ishina lyakwe? [Umo atila, “Robert Raikes.”—Kale.] Ico cacine, nifyo finefye. Kabili ena alesenda utwaice mu misebo (utu busu, kabili utu

shakwete incende ukwakuya, kabili mubucushi nganshi), nao aletuleta mulya no kutampa uku tusambilisha muli Baibele. Kabili ici calikula caba cimo mu mutande wa chalichi, pepifye, ileelo, lisukulu lya pa Mulungu. Cisuma ukusangwako. Mufwile mwaisha, mwaleta abana benu. Ndetontokanya ili ihema kuno lyalikwata ba kafundisha, imiputule umwaba fyonse, cila myaka, nafimbipo. Kabili imwe mwe bapilibuka abapya abaleisa kuli Kristu, mulekonka fye i Mbila; muleisa kuno ku Life Tabernacle, nefyo fikamwafwilisha.

¹⁸ Nomba, muno bushiku ifwe twalakwata umulongo wa mipepele-yakale. Ifwe twalapepelela fye abalwele munshila twalecitolamo, Munyina Jack na Munyina Brown.

¹⁹ Ine ndeibukisha ukumona Munyina Brown ukwasha ukupela tulya utupepala twa mapepo, kabili ena ukuba kapyunga umwine, kabili muli isho nshiku, mu kabungwe ako ifwe, bena, bamu titikishe, na mwishiba, “Ine—Ine ndi munyinenwe muli ici cintu,” mwaishiba, “imwe mufwile ukumfisha palya pamuulu.” Oh, ena cine cine akwete inshita iya afya, lelo aikele uwa cishinka nga fintu bu cishinka bungaba. Munyina Brown mwaume umo umusuma. Kabili eico ifwe twalimutemwa.

²⁰ Kabili nga fintu Ine ndemona ifwe bonse, ifwe bonse batatu, ukufika, uku palamina kubukote, kumpela. Cena cikaba cintu cabulanda nganshi nga cakuti ifwe tatwakwete ukubikwa mukati kesu cilya cintu icikankala, cintu ifwe twaishiba ukuba i Cishinka. Tulepekanyafye ukubwelela muli bumo mu nshiku ishi, ukubwelela kubulumendo nakabili, uku kana tala... imibili yesu ukwalulwa, ukulengwa mu mimonekele Yakwe ukwiminina. “Pantu ilyo lili ihema ilya bwikashi bwesu ya wishywa, kuli limo kale iiletulolela.”

²¹ Kabili ulubali lwaku totelapo pali cena, mwe fibusa fyatemwikwa, icakuti Shikulu Yesu watemwikwa... Imwe mweba nctekela ukumweba i Cishinka; Shikulu wa temwikwa Yesu, ulucelo lumo nalimo inshita eiti koloko, ansuminishe ukumona cilya Calo. Nomba, cena tacali—cena tacali cimonwa; lelo Ine nshile fwaya ukusosa ifyo. Conse ico cena cali, cena califye icituntulu ngafintu Ndelanda kuli imwe pano. Nomba, Ine namwene ifinso fya abo bantu, kabili Nsha beshibe, bena balyalwike ukuba abaice nakabili. Kabili balifye abatuntulu kwati... Ine nale ikata amaboko yabo nafimbi. Califye icituntulu... .

²² Kabili ca ngafwilishe, pantu Ine nali kwetepo ubwishibilo: lintu umuntu afwa, mweo wakwe fye walefumamo. Lelo nomba ilintu Ena a ambwile ico kuli ine, ukuti “Nga cakuti ili hema lya bwikashi bwesu pe sonde lyaba... ifwe twalikwata kale limo.” Mwamona? Kabili tufwile ukukwata ifintu fyonse patatu, ukulenga ukupwililika. Mwamona? Kabili kuli umubili umo pano, elyo ulya mubili kulya uuli—umubili wamumuulu, elyo

kabili umubili uwakatamikwa mu bututubuko. Mwamona, ico ciulenga ukupwililika. Mwamona? Eico cili ni. . .Cena tacili kashimi, tecaku kwatila pofye ubwishibilo, te mupashi. Cena mwaume no mwanakashi nga fintu imwe mwaba, ifyo fine fye.

²³ Kabili nomba, imyaka iyapitapo, Ine namwene incende shabaluba, kabili nali kulya. Ine ndekweba, cibusa, ngo mwaume umukote, lekeni ine mikonkomeshe ici, ukuya mu calo muno lucelo, mwikesha ukukana fwaya ukumona ilya ncende. Takuli inshila nelyo imo nakalya intu Ine ninga. . . nga cakuti Ine nali kalenga na bulasho tekuti Ine nenge icikope. Nga kapyunga, Ine tekuti nondolole kuli imwe. Ukulanda palwa kumbo ukuba incende ya mulilo, cena cacilapo imiku amamillioni ububi ukucila ico, ifyakutinya ifyaba uko.

²⁴ Kabili u Muulu. . .nangu iyi ncende, konse kuntu yena yali, Ine nshishibe ifya ku ita. Ena alosesheko kuli yena kulya nga “imyego mwisamba lya cipailo.” Lelo ilyo yena yali, Ine nshatala. . .Takuli inshila yaku londolwemo ifyo yaba iikalamba ilya. Kuli i. . .Nomba, imwe mufwile ukusendafye icebo candi, Ine ndi muntufye. Mwamona? Lelo ifi ifimonwa ifisa fye mukucitika lyonse nga fintu fye Ine namwebele, kabili imwe namwishiba ukuti fyena cila cimo caba ca cine, ico naco cacine. Conse cintu mucita, nga cakuti imwe mwapusa ifintu fyonse ifyashala (ubumi, amaka, amenso yenu, conse cintu cingaba), mwika pusa Ilya. Takuli nelyo cimo icingalingana na yena. Ili. . .Takuli nangu—takuli nangu lishiwi mu lulimi lwa Cisungu, ilyo Naishiba, ilinga cilondolola. Nga cakuti imwe mwatila “ukupwililika,” yena yacilapo; “iyapulamo,” yena—yena nancilapo apo; “iyakupapusha,” . . .Takuli a—takuli a mashiwi yantu Ine naishiba ayenga cilondolola, pantu cena cali icakuti. . .Kabili nomba, ukutontokanya, ukuti ilya tayali impela yaiko. Ine natontonkenye, “Ine ukutina ukwisa kuli iyi?”

²⁵ Ine natile, “Bushe mulalya?”

²⁶ Atile, “Te kuno. Ifwe tatulya kuno, lelo ngatwabwelela kwi sonde tukapokelela umubili tukalalilamo.”

²⁷ Cisuma, Ine nalebakumya. Bena balifye *ngafilya*. Mwamona? Kabili bena. . .Ine natile, “Cisuma, imwe namukwata. . .” Oh, ee, bena bali no mubili. Te kashimi fye, mubili. Na twishibana. Bena bonse balinjishibe, balenkumbata, amamillioni muli bena.

²⁸ Kabili Ine natile “Ukuba, Ndefwaya uku Mumona Uwa cindeta kuno.”

²⁹ Atile, “Iwe tekuti u Mumone nomba, ufwile ukulolela.”

³⁰ Natile, “Cinshi cintu mwacimbikila pa . . .pamuulu pano?”

³¹ Atile, “Iwe wali intungulushi mubumi.”

³² Kabili Ine natile, “Bushe Mulepilibula ukuti bonse aba niba Branham?”

33 Ena atile, “Iyo! Abo bantu wa alwile kuli Kristu.” Mwamona?

34 Ine nalolekeshe konse, kabili nomba inshita sha bushiku shonse ishayafya, na mesho, fyali pitile, ilintu Nalemona ifinso fyabo. Umukashana abutukile palya, umo pa banakashi abasuma nganshi, kabili ena aposelefy e amaboko yakwe ukunkumbata ine, nokutila, “we Munyina Watemwikwa.” Kabili lintu umwanakashi apitile lubali...Nomba, ena ali mwanakashi. Eico...Lelo mulya, tamwakabe ulubembu. Mwamona, inseke shesu ishamyumfwile shikalulwa kulya. Takwakabe ukufyala abana nakabili, kulya. Mwamona? Mwamona, bonse cimo cine.

35 Cinshi cilenga ubupusano, myumfwile. Emulandu wine Nshacetekela ukushana mulubansa. Takuli mwaume...Ine, kucinso cakwa Lesa na Baibele, Na ikala uwakaele, ngefyo mubumi bwandi lintu Nali umulumendo umwaice, monse mu bulumendo bwandi. Uuli onse umukashana untu Ine natalile ntandala nankwe, Ine kuti naya nankwe ku Bupingushi. Mwamona? Lelo takuli umwaume, Ine nshile sakamana fintu iwe uli, uwinga leka umwanakashi (mu mibumbilwe ya mwanakashi) ukukumbata ailesa pepi kuli iwe; nga cakuti uli umwine mwine umwaume wa bumi, kulaba imyumfwile. Lelo ta caliko kulya; takwaba inseke sha myumfwile. Bonse muli luseke lumo. Mwamona? Abapwililikafye, icisha tobenkanishiwamo icitemwiko cabunkashi nabundume, ukucila pafyo cingaba kuli wenu...nangu ni ku wenu...ukukumbatila umwana mwanakashi wenu umunono. Mwamona? Umwana mwanakashi uobe, lelo ena apangwa...ena mwanakashi na iwe uli mwaume. Mwamona, cena kuti calengapo icintu cimo; lelo Kulya tekuti cicitike, ulubembu nalupwa, lonse nalupwa. Mwamona? Icinecine...icinecine fye, Icitemwiko ica shila.

36 Kabili Naloleshe kuli ulya mwanakashi. Kwaliko... camoneke kwati mamillioni muli bena kulya, kabili bonse umushishi uutali, ne mingila iyabuta ukufika panshi. Kabili—kabili uyu Uwalesosa kuli ine, atile, “Bushe taumwishibe umwanakashi?”

37 Natile, “Iyo.”

38 Atile, “Ena ali mu myaka ukufika amakumi pabula lintu wa mutungulwile kuli Kristu.”

39 “Ukusenamina kwa kupapa, we ciunda ubusuma.” Mwamona? Takuli fye inshila iya kulondolola fintu cena caba. Sendenifye icebo candi nga cakuti mwali nctetekela. Beni aba shininkisha ukulenga...oceni ubulalo bonse ubwe sonde kunuma yenu.

40 Ine ndecetekela i chalichi nacistampa ukumfwa i Mbila, no kutampa ukumfwikisha. Lelo, mwe fibusa, umfweni, ifwe tufwile ukwanikwa mu Kusangwapo kwa Mwanamwaume,

ifwe tufwile ukupya. Icesu—icesu icicetekelo tacilapya. Ku mano ifwe tuleumfwa i Mbila intu Lesa atupela, nokumona ifishibilo fintu Ena atulanga, noku fishininkisha kuli Baibebe, fili apo, lelo, oh, ifyo ichalichi cilekabila ukuba mu Kusangwapo Kwakwe mpaka lwakosa, na mwishiba, nokuba ulusuma mu Mupashi icakuti lungasambwamo. Limo limo mukushimikila i Mbila, ulaba uwaluma, kabili ufwile ukucitobaula ngefyo, pantu ufwile wapampamisha umusumali paku ulenga ukwikata. Lelo ilyo u i Chalichi ca Cumfwa, Abasalwa baletwa ukufumamo nokupatulwa, nomba mu Kusangwapo kwakwa Lesa, Ine ninjishiba cena cikaba cintu cimo kwati abantu Bakabapo ilintu Cena cikakwata uku Sumbulwa.

⁴¹ Ine naciba nokulanda pa *Ku Sumbulwa* muno lucelo, lelo Ine nshikwete fye ishiwi sana ilya kuciteco, kabili eico mushipikishefye naine pa kashita kanono, ilyo Ndefwaya ukulanda pe sambililo lya *Incende Fye Iya Kwa Lesa Iyapelwa Iya Ku Pepelamo*.

⁴² Nomba, lyena lyashi ilikankala ilikalamba. Eico natupepe nomba. Kabili kunse ukupita mucalo muno lucelo, konse kuntu muli, inikeni ifinso fyenu pa kashitafye akanono. Beni icinecine aba fumacumi nomba, ifwe tule palamina ku Cebo cakwa Lesa, icili ni Lesa mu mibele ya filembo.

⁴³ Kalembe Mukalamba wa ici Citabo, “Cena e Lubuto,” ifwe twali fundwa, “ukuti katanda atandile,” efa sosa Kalembe. Nomba, ifwe natwishiba ukuti ulubuto luli nokukula ngacakuti luli mu musango wa mushili uwalinga. Eico, Taata, shi Imwe muno lucelo mwinga senda bonse bacilasa ne myunga, no kukanacetekela, noku fumyamo amatontonkanyo ya kususha mu mitima yesu; ukuti i Cebo cakwa Lesa cinga kula bwinobwino, ukwitililwa no Mupashi mu mitima yesu, ukuti ifwe twingaba abantu bakwa Lesa. Cipeleni, Taata. Ico e mitima yesu. Te kuli ifwe fye fwe baishiba ici, lelo shi kwingaba nabambi mucalo conse, cila mutima wa umo ukulapya ne citemwiko no bupete, ukuya no kwesha ukuleta munyina uwaluba, inkashi iyaluba. Cipeleni ileelo, mwe Lesa. Ifwe tulelolekesha umupwilapo kuli Imwe, pantu Imwe muli Katungulula wesu kabili Shikulu wesu. Eico twapepa ukuti Imwe mwala tutungulula mu Cebo Cenu ileelo, nokutupelako ku mapalo Yenu. Ukupitila mu kusenamina Kwenu na mwi Shina Lyenu ifwe twalomba ici. Amen.

⁴⁴ Nomba, natubule ku cakubelenga cesu...Ndefwaya ukubelenga mwi Buuku lya Amalango, i Cipangano ca Kale, kukuteeka Amalemo. Ninkwata amashiwi ayalembelwe ayanono ayo Nacilemba mukwangufyanya panuma yaku bwela ukufuma ku mwikulo na Munyina Vayle.

⁴⁵ Nshakwanishe ukutotela umwaume kulya ku ng’anda yabeni...kulya ukwakulila ubushiku bwafumineko, uwalipile ku cesu—ku cesu icakulya ca mulalilo. Umukashi wandi na Ine

na kana kanakashi kesu twali kulya, kabili ilintu Ine naile ku kulipila imisha yandi, umuntu umo ali nalipila. Nampo ali ni ani, Ine na mutotela. Atile, “Umuntu uwaikalile pa mpela ya cipuna.” Nakuba kulya kwali ibumba mulya lintu ifwe twaishibe. Nomba, Ine. . . icintu camusango wa Kickapoo, ica musango ngoyo, incende kunse uku, ukwakulila kuntu ifwe twali. Namutotela, onse uwa citileco. Cila umo muli imwe, Lesa amupaale.

⁴⁶ Nomba, mu chapitala 16 ica Amalango, cali kusunga kwa cibukisho ca kucilila. Eico tulefwaya ukubelenga nalimo ba versi bakubalilapo, abakubalilapo bane nangu basano, ba versi mutanda apa.

Bakeni u mweshi wa Abibu, no kusunga ca kucilila . . . (Icilepilibula “Shinde.”) . . . SHIKULU Lesa wenu: pantu mu mweshi wa uyu Abibu SHIKULU Lesa wenu amufumishe mu calo ca Egupti ubushiku.

Mu kale ipaila SHIKULU Lesa wenu icakucilila, iya mukuni napamo iya mu maombe kulya kuntu uko SHIKULU asala kuku bikako ishina lyakwe . . .

Mu ka liile umukate wabula icitutumushi mukati ka iko; inshiku cinelubali muka lye u wabula icitutumushi, umukate—umukate uko kwine, . . . imwe mwafumine mu calo ca Egypoto mu kufulumbana: . . . ku kuleka mwibukishe u—u bushiku bwa kufuma kwenu mu calo ca Egypoto inshiku shonse sha myeo yenu.

Kabili cikamoneka . . . icitutumushi kuli imwe mu mipaka yenu yonse inshiku cine lubali; kabili kwi kaba nangu cimo ica munofu, wa uwo mwaipaye lambo icungulo ubushiku bwa ntanshi, mwikashako uku fika ku lucelo.

Tekuti mwi paile ica kucilila muli imo iya mu mpongolo shenu, isho SHIKULU Lesa wenu ale mupela:

Kano kulya kuntu uko SHIKULU Lesa wenu asala ku kwikalikako ishina lyakwe, eko mu ka leipaile ca kucilila icungulo, pa kuwa akasuba, inshita iyalingihwe iya kufuma kwenu mu Egypoto.

Nomba Shikulu nalundepo amapalo Yakwe kukubelenga kwa Cebo Cakwe.

⁴⁷ Nomba, bushe mu cakulandilamo muleumfwika ici lulumo? Mailo ubushiku Naumfwile kwali. Bushe muleumfwa bwino, konse? Imwe tamuleumfwa. [Munyina Branham abika bwino icakulandilamo—Kale.] Bushe ifyo cawaminako? Bushe ifi cawaminako, ukusosa nefya kulandilamo mwisamba ngefi? Ine ishiwi nalikoma panono, eico Ine ninjiminina mupepi muno lucelo ku mulandu wa ico, kabili Nde subila ukuti Munyina Peary kuti—kuti aumfwa kunse kulya. Bushe muleumfwa bwino nomba? Nde tontonkanya bena naba cibombelapo. Cisuma.

48 Nomba, i ci-...I cintu Ine ndefwaya ukusosapo muno lucelo cakuti Lesa akwatafye incende imo umo kapepa enga kumanya Lesa, incende imofye epela. Ukupula mu nkulo abengi balifwaya fwaya iyi ncende ya nkama iya kwa Lesa, ukupula munkulo shonse. Nangu ni Yobo alefwaya ukwishiba pantu Ena ekala, “Nga cakuti Ine nailefye ku ng’anda Yakwe no ku konkonsha pa ciibi Cakwe.” Yobo alefwaya ukusanga incende ya bwikashi bwakwa Lesa, pantu kulya Lesa no lupwa Lwakwe eko bapepwa pamo.

49 Nga mailo, mu mbila mailo ulucelo, ifwe tulesanga kuti cintu cingacitwa ku muntu ukupepa Lesa apafye, no kushinshimuna mu bufuma cumi. Lesa ali tulungamikila ifintu fyonse, lelo icintu cimo nici, ifwe tufwile ukufwailisha ukusanga uko fyena fyaba. Paulo aebele Timoti ukufwailisha, kabili uku—ukuba mu nshita iyalinga nakunse ya nshita, ukuba uwa iteyanya uku pela i—i—i cebo nangu. . . ukwe subilo ilyali muli ena.

50 Nomba, fyonse ifintu ifi fyaba umo. Kabili twa sanga. . . Inshita imo Ine kuti natemwa ukwisa ku Shreveport uko ifwe twingakwata nalimo imilungu ibili nangu itatu ukulasendafye ba miniti amakumi yatatu cila bushiku nokubafye pa kufunda, mwamona, ukwikalilafye mu Cebo, mu fiputulwa ifi ifyankama, mwamona, uko twingasanga ifya kwingilamo fye. Kabili imwe mulelolafye, imwe mukonke ubutungulushi bwa kwa Lesa, kwaba fye imfungulo imo kuli cila ciibi. Ico cacine. Kabili takwaba imfungulo i ili yonse, nangu ingamoneka shani nga yena, Lesa takwata imfungulo ishisula ba loko abengi; akwatafye imfungulo imo. Kabili nomba, mufwile ukukwata iyo mfungulo, ngateifyo iciibi tekuti cisuke. Nangu mwingaba shani abafuma cumi, tekuti mwisule ico iciibi.

51 Nomba, nibanga abaali kumwikulo wa mailo, ulucelo? Cisuma, Nde tontontokanya abengi, limbi pasenti amakumi pabula aba muli imwe, nangu ukucila. Ukubwekeshapo ici, icintu Ine nala sosa, Davidi ali imfumu iyasubwa (iyasubwa na Lesa), imfumu iikalamba nganshi intu Israeli abalile ukukwata, kunse yakwa Shikulu Yesu (u uli ni Lesa) U Wasubwa. Davidi e mwana Wakwe, nangu, Yesu ali Mwana Davidi ukulingana ne citoto, ku mubili. Kabili Wene akekala pa cipuna cabu fumu cakwa Davidi nga umo impyani, ngefyo u—u mwana wa mfumu lyonse apyana i—i cipuna ca mfumu.

52 Moneni, nomba, ulya Davidi ukuba uwasubwa, lelo mukusubwa ena acitile, ena afumine mu bufwayo bwakwa Shikulu na kulya kusubwa; kabili abantu bonse, te kutangilila a Malembo nangu imfungulo kuli ubu busokololo, bonse nabo abasubwa, bena bonse, pamo, ukupunda no kulumbanya Lesa pacintu ica lemonekafye bwino: ukuleta i Cebo cakwa Lesa ukubwelela ku ng’anda yakwa Lesa. Lelo Davidi ali imfumu, tali kasesema. Mwamona? Ena. . .Emo ali kasesema mucalo uwaku kucicitilamo kuli ena, na Lesa tacindike ukuteyanya

konse pantu bena tababomfeshe imfungulo yalungama. Iciibi ta caiswilwe. Kabili nomba ifwe tufwile ukwibukisha cilya, no kucisunga mu mano yesu. Kwaliba i . . . Ifintu fyonse ifya kwa Lesa, inshila imo ifwile ukukonka, ninshi cafikilishiwa. Nomba, kulya, Lesa alikweteko i Chalichi cimo cintu Ena akumanyamo abantu, kabili Ena kuti apokelela imwe muli ici Chalichi kabili te chalichi cimbi.

⁵³ Ine nasosa ici pantu Ine imiku iingi taba ng’umfwikisha, kabili abantu balanjeba . . .

Ine ntila, “Bushe uli mwina Kristu?”

“Ndi mwina Baptisti.”

“Bushe uli mwina Kristu?”

“Ndi mwina Methodisti.”

“Bushe uli mwina Kristu?”

“Ndi mwina Pentecosti.”

⁵⁴ Nomba, mwamona, ico tacipilibula nelyo cimo kuli Lesa. Imwe mule sonkaulamo fye ne mfungulo imbi. Lelo kuli imfungulo iyalungama, eko ili imo uko Lesa . . . Lesa talaile ukukumanya iwe nga umwina Methodisti, nangu nga umwina Baptisti, nangu umwina Pentecosti, nangu icilonganino cimbi. Ena talolesha na ku filonganino, fyena fila lwisha Ena.

⁵⁵ Pali ilya Mbila iitali, Ine nka Ileta ku tabenako nomba line. Kabili nomba Munyina Jack ali noku Yumfwa, kabili nomba imwe kuti mwamona ifyo mungafwaya ukucita pali Yena, pantu Ili no kwambulwa pa tepu.

⁵⁶ Nomba, abantu bacita ngefyo Lesa aliba uwashingamwa uku ba kumanya pa mibele ya masambililo ya bulesa yabo. Nomba, abantu bacita ngefyo. Bena tabampana na umu no munankwe. Ba Trinity nangu ba Pentecosti tekuti bampane na ba Oneness, nangu niba Oneness ukwampana na ba Trinity. Ba Methodisti tekuti bampane naba Baptisti, pantu umu wa mafunde no mubiye ni Calvinist, eico bena tabakwata isenge nakalya. Kabili bena bashingulusha amano ya bantu icabipisha icakuti bena balalwishanya umu no mubiye.

⁵⁷ Ine naile mukupepa, inshita imo iyapitapo, mu muputule wa cipatala. Mwali namayo uwali nalala mulya umulwele nganshi, ali no kuya ku kumubombela, bena baleenekela umwanakashi ukufwa. Umbi namayo alele mulya (Ine naitilwe uku mupepela.), Natile kuli ena, “Bushe kuti mwasakamana akashitafye ngacakuti kuti Napepa?”

⁵⁸ Nao atile, “Tinta insalu iyo!”

⁵⁹ Na Ine natile, “Njeleleniko.” Ine natile, “Ine nacilafwayafye ukulomba mwipepo.”

⁶⁰ Umwanakashi atile, “Tinta insalu iyo!”

61 Ine natile, “Ee, mayo.” Ena no mwana wakwe baikele palya, imimonekele ya tu *Ricky*. Kabili Ine natile, “Ukuba, bushe tauli mwina Kristu?”

62 Ena atile, “Ifwe tuli ba Methodististi!”

63 Natile, “Ukuba Ine nshipwishe fyo, Na cipusha imwe ngacakuti muli umwina ‘Kristu.’” Mwamona?

64 Kabili elyo umwanakashi atile, “Tinta insalu iyo!”

65 Mwamona, pantu umuntu uushali umwina Methodististi ali no kupela ipepo lya mwanakashi uwalefwa, uwali nokuba nao. Lelo pantu tacaampene na kabungwe kakwe, ena talefwaya nangufye ku cumfwa nangu ukuba ne cakucita nacena. Nga cakuti ulya tali mu Faliseo, Ine nshilati mone umo!

66 Loleleni mpaka mukomfwe *Inshila Ya Nsoka*. Huh. Cisuma. Nomba, ukutontokanya ukuti icilonganino cabo ecekafye ici umfwana na Lesa: “Lesa taka kumfwe kanofye uli Methodististi, nangu Baptisti, nangu u—umwina Trinity, nangu umwina Oneness,” nangu icintu cimo ica pala ngefyo. Ico cilubo!

67 Kabili uyo emulimo wandi; lelo nga cakuti kuli nganshi u—ukukabila mu matontokanyo ne mitima ya bantu ukuba aba lungama. . . Ine nshile cetekela ukuti umwanakashi acitile ici pantu. . . nangu umuntu uuli onse. Umwina Methodististi tekuti ema no kwiminako i chalichi ca Methodististi pantu ena—ena alishiba ukuti lwaliluba. Umwaume aletontokanya ukuti lwali lungama. Ine nshile cetekela ukuti umwina Trinity kuti aseka umwina Oneness, nangu umwina Oneness umwina Trinity no mwina Pentecosti, pantu ena alefwaya ukuba uwapunasako, ena aletontokanya ukuti ena nalungama, kabili mufwile ukucindika itontokanyo lyakwe. Na mwishiba, ubulangeti bu tambulukila kumpela shonse shibili. Lelo, ibukisheni, muli fyonse ifyo, nga cakuti muli icintu cimo mu mutima wamwaume nangu mu mutima wa mwanakashi ukuti bena bacetekela ukuti cilya cali “lungama,” kanshi kufwile kwaba ukuntu kumo ukwa lungama. Nga fintu Nsonsa lyonse, “Ilyo i tenga lilebilikisha kwi tenga, kufwile kwaba itenga ukwasuka kuli uko kubilikisha.”

68 Namwishiba, ifwe twali ebwa ukuti—ukuti ilya nama silu inshita imo yale enda pa cituntu ca—i ca mumana, na molu. Lelo nomba tayakwata molu, ya alwike mu mapindo pantu yena yale. . . yale kabila amapindo lintu ya yasendele ukufuma ku mulundu, inama iya masako, ukuya ku mumana; ubu bumbo bwaipangile amapindo mucifulo camolu, pantu yena yalesamba ukucila fintu yena yaleenda.

69 Ine nalaba uyu muntu umukalamba nomba uwaile ku South Pole. Bushe ali nani ishina lyakwe? Byrd. Batile ukuti ena abilisho amakoti ya ng’ombe shimo, pali ububulendo; ukuti ena asendele ing’ombe ku mulandu wa mukaka. Kabili abilile amakoti ya masako ukuti ing’ombe shikafwa kukutalala kumpepo. Lelo ilintu ena afikile kulya, shena tashalekabila

amakoti ya masako, ubu bumbo bwa meseshe yamo pali shena. Mwamona? Mulandu nshi? Iintu tapalaba icipepe pa numa ye sabi, kwali nokuba amenshi yakuti lyena lilesambamo nga teifyo nga talyakwete icipepe. Kulya. . . Iintu takulaba icimuti ukumena *mu* mushili, kwali nokuba icakubalilapo umushili waku menamo, nga teifyo nga takwali cimuti.

⁷⁰ Eico, mwamona, lyonse ilyo kuli icintu cimo mu mutima wa muntu icileita ku cintu cimo, kufwile kwaba icintu cimo kunse kulya ukwasuka, ukusekesha bulya bwite.

⁷¹ Umwanakashi. . . Ukupima kwali citilwe kuno inshita imo yapitapo pa mwanakashi uwafwile. Kabili no mulandu, bena—bena baleti, ica mwipeye, ena aleya kanyense lyonse, inshita yonse. Nga cakuti ena taleya kanyense, umutwe wakwe kulakalipa, na fyonse; bena tabaishibe. Eico pakupima, basangile icatumbile mu mwanakashi icamusango watubulungwa; bena balikwete i—ishina lya ciko. Kabili bale bula cilya catumbile no kucibika mu mbale ya kanyense, naco cale sungulula ba kanyense ubushiku bwine. Mwamona? Bushe cali cinshi? Cali cintu cimo mu mwanakashi icale ita pali ba kanyense, kabili nga cakuti takwali ba kanyense mulya nga takwali kukula.

⁷² Mu mashiwi yambi, kufwile kwaba Kalenga icakubalilapo, lintu takulaba icilengwa. Mwamona?

⁷³ Nomba, nga cakuti mu mutima wa muntu mwaliba ukukabila. . . Nga ba Methodisti, Baptisti, Presbyteriani, Katolika, bonse aba bambi, ukweshwa ukusanga ilya nshila imo iya cine, kabili bena baleebwa naba shimapepo babo naba kakumba babo, na fimbipo, ukuti “Iyi enshila yacine.” Bena batila, shimapepo atile, “Takwaba ipusukilo kunse ya chalichi ca Katolika.”

⁷⁴ Ukuba, cila chalichi cilasenda aya luko. . . amano yaluko. Bamo muli bena tekuti basumine, lelo bacita ku micitile yabo. Imicitile yenu ilandikishapo ukucila insoselo shenu. Cilifye. . . Mu nshila imbi, bena niba bumbi munda ukucila nefyo ba Katolika bali. Ba Katolika balasoselapo, “Ine nacetekela ukuti ici eicicinefyey,” lelo bena tabacite ico. Balacifisa, lelo imicitile yabo ishininkisha fintu bena batontonkanya. Mwamona?

⁷⁵ Nomba, kufwile ukuba kanshi incende imo, pantu kuli ukukabila mu mutima wa muntunse uku Isanga. Kabili Ine ndetontonkanya ukuti i Cebo cakwa Lesa nacikwata ubwasuko kufintu fyonse fintu ifwe tukabila. Eico Lesa alikwata ubwasuko, kabili natu cifwaye fwaye mu Malembo. Elyo nomba nga cakuti Lesa alatulanga ku Malembo incendefye, pacifulofye, (icilonganinofye, nga cakuti nifyo), inshilafye imo intu Lesa aka kumanya umuntu, nomba tufwile twaikatilila kuli iyo pantu natusanga i Cishinka ica Baibele, fintu Isosa.

⁷⁶ Nomba, ishiwi *Amalango*, ishiwi icine cipilibula “amafunde yabili,” ishiwi *Amalango*. Kabili Lesa akwata amafunde yabili. Amafunde yabili: limo pali yena kukana nakila ku Cebo, no kufwa; kabili ne libiye ku nakila ku Cebo, nokuba no mweo. Ayo emafunde yabili, kabili *Amalango* cipilibula ayo mafunde yabili. Yonse yabili yalilangwa bwino kuli ifwe mu Malembo. Limo pali yena nimfwa, ili biye Mweo; Umweo ne mfwa. Lesa abombelafye mu Mweo, Satana mu mfawafye. Kabili ifi fya langilwe kwi sonde pa cintubwingi, apa buuta ku linso lyonse, kabili takuli akabepesho kuli ifwe. Limo pali yena lyali, lyalangilwe pa Lupili lwa Sinai lintu ifunde lyapelwe, ilyasekele umutundu wa muntu onse ku mfwa; ili biye lyapelwe pa Lupili lwa Kalubale, ilya letele umutundu wa muntu onse ku Mweo, ilyo amalipilo yapelwe muli Yesu Kristu. Aya mafunde yabili aya Malango ya fikilishiwe muli ifi fintu fibili, ifikankala.

⁷⁷ Ine ndefwaya imwe mumone nakabili, kwali nakabili ifipangano fibili ifyapelwe. Cimo icipangano capelwe kuli Adamu, ifyali nefyale fwaikwa, nge funde: “*Nga cakuti* tamwakekate ci, lyena mukaba no mweo; lelo *nga* mwaikata ici, imwe mukafwa.” Ilyo lyali lifunde. Elyo kwali ifunde limbi ilyapelwe kuli Abrahamu, ilyali ku senamina, ukwabula ifyale fwaikwa: “Ine nali kupususha nolubuto lobe panuma yobe.” Ameni! Ico ecipasho ca Kalubale, tecipasho ca—ca—ca cipangano cakwa Adamu, cena cipangano cabwina Abrahamu.

⁷⁸ Lelo nomba ifwe twa Mumfwa aleti kulifye incende imo uko Ena ali noku kumanya umuntu kukupepa. Tule cibelenga apapene mulyashi. Twalallosha kuli cena, ukubwelelako, muli ba miniti banono.

⁷⁹ Kanshi nga cakuti kwabafye incende imo uko Lesa akumanya umuntu, ifwe tufwile ukucenjela. Nomba natubike lubali intambi shesu muno lucelo, kabili. . . muli ili sambililo lye sukulu lya pa Mulungu, nokuba aba shininkisha nganshi ukuti tusange iyo ncende imo. Pantu, Lesa nasosa apa, Ena taka mupokelele muncende iili yonse. Ichalichi icili conse, Ena taka mupokelelemo. Ni mu Chalichi Cakwe fye, encende fye Ena ali noku mupokelela.

⁸⁰ Nomba, “Finshi wingalanda, Munyina Branham? Nga cakuti Ndi wacishinka?” Iyo.

⁸¹ Ibukisheni, Yesu asosele ku bantu bamo abacishinka, ba kapepa aba nshita Yakwe, kabili Atile, “Mu Nshinshimuna apafye.” Cachine, ukushinshimuna ukwinekwine ukufuma pakati kamitima yabo. “Uku Nshinshimuna apafye, ukufunda nge sambilisho amafunde ya bantu,” nangu isambilisho lya cilonganino cabo. Abafuma cumi, aba katina, aba bu kapepa nganshi. Kabili neco tacali fye icipya na ba Faliseo. Kaini na Abele, ba kapepa babili abaku balilapo aba fyelwe, ubufyashi

bwaku mubili pano, pe sonde, sana sana baishile mu mibele imo ine.

⁸² Kaini ali kapepa ngafintu fye Abele ali. Bonse babili ba kulile ifintamba. Bonse babili balitemenwe Lesa. Bonse babili bali tulile ilambo. Bonse babili bali shinshimwine. Bonse babili balepela ice kumi. Bonse babili bacitile ifintu fyonse cimocine. Lelo Abele, ku *cicetekelo* icili “u busokololo,” i Cebo cakwa Lesa ica sokololwa, ukuletwa apa buuta, calangile, noku shininkisha. Ubukata! Kaini acitile icabupe, lelo Lesa ta cishininkishe. Lesa alefwaya ukushinshimuna, na Kaini atulile icabupe, lelo Lesa ta cishininkishe. Lelo ukupitila munshila ya cine . . .

⁸³ Imwe mwatila, “Ukuba, i chalichi candi bushe Cena. Candi . . .”

⁸⁴ Loleleni miniti umo. Lesa alalondolola i Cebo Cakwe Umwine ukupitila mu fikomo fya Ciko fintu Ena afisoselemo. Mwamona, Kaini atile, “Ine nine kapepa. Ine nalitemwa Kabumba wandi. Ine natula kuli Imwe ici cintamba icisuma. Ine natula kuli Imwe ili ilambo. Na kuula ifintu fyonse ifi, Shikulu, pantu Nali Mutemwa.” Abele atile icintu cimo cine. Nomba ni uyo uwalungamikwa, uyo uwa shininkishiwa. Kaibili Lesa aikile no kupokelela ilambo lyakwa Abele, pantu ukupitila mu busokololo ena ali mu nshila yakwa Lesa iya suminishiwe.

⁸⁵ Nomba lolesheni ulya mupashi wakwa Kaini ukwisafye ukupitila mu Malemo, ukufikafye kuli buno bwine ubushiku bwa kulekelesha. Abafikomo? Abafikomofye nga fintu umubiye ali.

⁸⁶ Lolesheni kuli kasesema Balaamu na kasesema Mose. Bonse babili ne fipailo cine lubali, ifipailo fyakwa Yehovah, umulopa pali cila cimo; kabili teico ceka, lelo basukusuku pali cila cimo. Mu mpendwa, impendwa fye iya linga, *cine lubali*, “ukupwililika,” ba sukusuku cine lubali. Cimocine fye, ifipailo fyonse fibili. Uwafikomo nga fintu umubiye ali, ulya umbi efintu ali nao. Lelo ninani untu Lesa ashininkishe? Mwamona? Mwamona? Ulya umbi uwali mu Cebo Cakwe. Ifikomo tacipilibula ukuti fingi; busokololo bwakwa Lesa.

⁸⁷ Nomba tontontankanyeni! Aba baume, cinshi bena baitilwe nokubikwa muli iyi mibele (aba Abafaliseo) kuli Yesu, atile, “Imwe mu Nshinshimuna a pafye”? Ukushinshimuna Ena: ukushinshimuna ukwinekwine, ukushinshimuna ukwa cine ukufuma mu mitima yabo. “Imwe . . . Kwafye uku Nshinshimuna kwenu.” Mulandunshi? Ukufunda nge sambilisho ifishilano fyabo ifya bantu. “Eico imwe mulenga amafunde yakwa Lesa ukuba ayafye ku bantu.”

⁸⁸ Nga cakuti Ine na mufundile imbila yaba Methodisti, tekuti icite nelyo cimo pali imwe, iyi ninshita yakwa Nabwinga. Nga cakuti Mose afundile imbila yakwa Noa, yena tekuti icite nelyo cimo. Nga cakuti Yesu afundile imbila yakwa Mose, yena tekuti

icite nelyo cimo. Pantu imbuto ishalashikilwa libela na shilala kulya ishingwa tapilishiwafye kuli ulya musango wa menshi uwapelwe kuli shilya mbuto. Mwamona? Tekuti lwena lukule mu mibele iili yonse. Cifwile ukuba mibele iilukusha.

⁸⁹ Nomba, imwe kuti mwabule lini lya nkoko nokulibika mu cakukafya, icifwile ukuba nipesamba lyakwa nankoko, lelo likatotwa nakuba. Libikeni pe samba lya mbwa kuti lyatotwa. Cena cikabilila, imibele iilenga lyena ukutotwa. Eico cifwile ukuba mumibele imo. Imwe kuti mwasenda ilini ilisuma ilituntulu no kuli bika pesamba lyakwa nankoko uwafwa, tekuti litotwe. Mwamona? Mwamona, mibele.

⁹⁰ Ukuba, eflyo cili na munkulo ino intu tuleikalilamo, mufwile mwasanga ninshila nshi iya kwa Lesa iya ku citilamo kuli iyi nkulo. Ifyo eflyo Martin Luther asangile, ifyo eflyo John Wesley asangile, ifyo eflyo ba Pentecosti basangile mu nkulo yabo. Inkulo yakwa Lesa ne nshita yaku cicitilamo.

⁹¹ Nomba, ba Pentecosti. Ulya munyina, ulya...Ine ndecetekela ayakwe...limo pamenso yakwe lyali fuminemo, munyina umufishi uwatampile imbila ya Pentecosti mu California, Azusa Street wakale. Ena alesekwa, pantu ali muntu wafita. Ena balemupumya, lelo ena aletele imbila ya nkulo ilya. Umubili fye unono, umuntu uwalefilwa no kulemba ishina lyakwe, lelo Shikulu ali sokolwele kuli ena ukuti iyi eyali enkulo yakubweshapo ukwa filya ifya bupe, kabili fyalishile. Te mulandu *ica* soselwe, calishile. Lelo abantu bonse bali mumibele yaciko, nokumona yali ni ilya nkulo, nokumona Lesa ukushininkisha ukuti balya bantu balelandila mundimi, nafimbipo, cali citike. Lelo lintu ena aile nokukonkomesha ukuti “ici ecishibilo fye,” ico cacipeye. Mwamona? Catwalilile, mwamona. Ico ca cicitile. Elyo bena batampile ukupatula *ici*, *cilya*, no kupanga ifilonganino; kabili umo aleisa pe kumbi, na ulya umbi aisa mu cimpusa. Kabili oh, owe, ico cileya.

⁹² Ifyo eflyo ifilonganino ficita. Mwamona? Lesa te katampa wa filonganino, pantu ifilonganino ni Babiloni, kabili Ena te ntulo ya cimfulunganya. Ifwe tulemona bonse abakwe... Ta mulefwaikwa ukuba abasambilila ukumone ico. Cena ni Babiloni! Mwamona? Intambi (citontonkanyenipo), abantu abafuma cumi. Nomba, ukuba, pantu bena bacetekela ico, kufwile kwaba incende imo iyacishinka uko Lesa akumanya.

⁹³ Nomba moneni versi 2. “Ukupepa mu ncende intu *Ine* nasala.” Ica kucilila, nakuba, uko baleshinshimuna pacakucilila. “Incende intu *Ine* nasala; te yo imwe mwasala, iyo umuntu asala. Lelo iyo *Ine* nasala, imwe mule shinshimuna muli iyi ncende.” Ico calanga kwaba kanshi incende imofye, shimbi shafye. Ta cifwile caba ica kusala *kwenu*, lelo cifwile caba kusala Kwakwe.

⁹⁴ “Ukuba, Ine nshifwile ukuya ku chalichi.” Nangu, “Iwe walicepelwa amano! Mulandunshi, iwe ulalandanda pa

banakashi pa kushimikila, na . . . nangu abanakashi pa kuputula umushishi wabo, nabaume pali ifi fintu fimbi. Mulandunshi, iwe walicepelwa amano!”

⁹⁵ Cisuma, imwe tamufwile uku senda inshila yakwa Lesa pali ici, twalilileni kunse kuntu, bena babacita ifyo. Mwamona? Kabili mukasanga cena caba mu Malembo, eico, “Bena ba Nshinshimuna apafye.” Yesu asosele pa cintu cimo cine. Mwamona?

⁹⁶ Ukuti konse akali toni, ifintu fyonse, mufwile mwaba abacishinka muli ifyo. Lyonse tuntu utunono—umwangashi unono, ka—ka mumbwe kanono akonaula umwangashi. Inshita shimo muleka . . . Te fintu fikalamba mu cita, tuntu utunono musha ukwabula ukucita. Ibukisheni, umunyololo wakosesha fye pa mulundo wanakisha. “Balipalwa abo abakonka amafunde *yonse* aya kwa Lesa, ukuti bakakwate insambu shakwingilamo.” Citeni *fyonse* fintu Lesa asosa.

⁹⁷ Nga cakuti Casosa abanakashi ukukwata umushishi uutali, imwe mutiila . . . umwaume anjebele tapapitile inshita, atile, “Ine nshishimikila bukapepa bwa fyakufwala.”

⁹⁸ Ine natile, “Kanshi iwe taushimikila i Mbila nsuma.” Ee.

⁹⁹ Lesa acitambalike palya, Ena asosele ifyakucita. Kabili nimwe ukucicita . . . Ico e cifyalilwa cenu, icintu camano. Cinshi akantu akanono . . . cinshi . . . akanono akantu akafye. Yesu atile, “Balipalwa ni abo abasenda akantu konse akanono, ukucita utuntu utunono.” Kabili umwanakashi ukuleka umushishi wakwe ukukula, ico cili fye i . . . mulandunshi, cene cintu cimofye *umwanakashi* enga cita, na ena tacita nefyo. Ena tekuti acite nefyo.

¹⁰⁰ “Oh, tufunde ifintu ifikalamba.”

¹⁰¹ Kuti imwe mwafunda shani ifintu ifikalamba, ilyo mulefilwa ukucita ifya anguka, ifintu fyaseeka? Pantu, mwamona, ipange lyenu no buyo bwenu nafiluba.

¹⁰² Citemwiko cenu kuli Lesa, “Shikulu, Ine nshile sakamana cintu Imwe mulefwaya ine ukucita, Ine ndi uwaiteyanya ukucicita.” Lyene ninshi muleya kumo, lelo nga cakuti imwe tamucicitile munshila iyo, inshila Ena asosele uku cicita . . .

¹⁰³ Kwena kusala Kwakwe, “Incende intu Ine nasala.” Uko eko imwe mukaleshinshimuna ne cakucilila cenu.

¹⁰⁴ Mwabika . . . Kaini aletele icakucilila cakwe, Abele aletele icakwe, cilifye ku ncende intu uletwalamo. Nga cakuti wa citwala mu ncende uko Ena asala, cili nokuba bwino, Ena aka cipokelela; nga cakuti tacili ifyo, Ena taka cipokelele. Nshile sakamana, cakucilila cimo cine, nangu cingaba cinshi, cene cintu ca- . . . cakaanwa, kano caletwa kuli ilya ine incende imo.

¹⁰⁵ Nomba tulefwaya ukuti tusange uko ifwe tulefwaya ukuleta ici icakucilila. Ifwe kuti twasanga . . . Bonse ifwe tulefwaya

ukuya ku Muulu. Teifyo fine? Kabili bonse twalishiba ukuti twalicyita icilubo. Ifwe bonse twali cetekela ukuti Yesu e Lambo. Nomba tulefwaya ukwishiba ukwa ku Mutwala, cene cika—cene cika pokelelwa. Mwamona? Ico cacine. Baibele iletweba ukwa kucitwala, mwamona, naco cikapokelelwa; kunse yauko, tacakapokelelwe.

¹⁰⁶ Natuloleshe kuno nako incende iyo Ena asala ukulalikako icakucilila, incende intu Ena asala ukubikako icakucilila. Imwe tekuti mucibike mu shili shonse ishi impongolo; lelo incende intu Ena asala uku cibikamo, Ena nao alibikamo i Shina Lyakwe muli iyo ncende. E fintu Ena asosele apa. Ena asala ukubikamo i Shina Lyakwe muli yena. Nomba natu fwayefwaye a Malembo ku ncende iyi, pakuti iyo encende uko Ena abika i Shina Lyakwe.

¹⁰⁷ Nomba na tu some mu lyashi. Kabili Ine nacilembapo utumashiwi tunono palya uto Ine. . . muno lucelo, twacisa kuli ine. Na tubule versi ya 2 iya chapitala iyi. Nomba, Nshilefwaya ukumuteka inshita iikalamba, kumulandu wabantu, pali balamya kunse uku. Nomba versi ya 2 iya chapitala 16:

Mukalepela ilambo lya cakucilila kuli SHIKULU Lesa wenu, mumikuni ya nama shenu ne nama shenu, muncende umo SHIKULU asala ukubika ishina lyakwe.

¹⁰⁸ Nomba, imwe tekuti musende ubu. . . ubufuma cumi bwenu na fyonse fintu imwe mulefwaya ukuyebelela, imwe tekuti mucitwale ku cipailo caba Methodisti, ku cipailo caba Baptisti, ku cipailo caba Pentecosti, lelo kuli icipailo ukuntu kumo uko Ena asala ukuti Ena. . . ukubikamo i Shina Lyakwe, kabili Ena ali nokukukumanya pali ilya ncende. Nomba, nga cakuti ifintu fyonse filebombafye bwino, cena cili nokubomba; ifintu fyonse ninshi nafibikwa mumutande. Nga cakuti intambo naipya, ulubuuto teti lubeko; pantu yena nayonaika. Kabili nga cakuti wabula cimo pa Fyebo fyakwa Lesa nangu imo pa ncende Shakwe, kabili mumutima obe muli ukuitemwa, cena cikemika amaka yakwa Lesa apopene. Ngacakuti ulefwaya uku cicita pantu iwe ulefwaya ukuba incenjeshi, ulefwaya ukuba uwapusanako ukufuma ku muntu umbi, nangu icintu cimo, palya pene fye ninshi caonaika, kuti caonaula icaku cingilila ukonaika. Iwe ninshi naulufyanya. Iwe ufwile nokuba necishinka, no mutima obe onse, nefyakwimininapo fyobe fyonse ukubikwa pali Lesa. Nomba fwaya incende *Yakwe*, sanga apo Ena alandile, nokuleta lyena palya. Mwamona?

¹⁰⁹ Loleshani pali Malita na Maria. Lintu Yesu abwelele, panuma Ena aabafundishe iyi i Mbila nsuma (u Lubuuto lwa bushiku Bwakwe, Ena ukuba Messiya), Ena alipatilwe, akenwe. Oh, aba Fariseo nama chalichi ya Musushishe. Lelo Lazaro alifwile, munyina uwali cibusa uwa pacifuba Cakwe. Amulekele ukulala palya; kabili batumine batumine Uwakumwita, Nokwisa taishile.

¹¹⁰ Lelo mumoneni Malita, nemicitile yakwe. Atile, “Shikulu, nga cakuti Imwe amuba kuno.” Mupeni Ena ishina Lyakwe ilya lungama: Shikulu, icilembo cikalamba S-h-i-k-u-l-u, *Yahweh*, Yehovah. Ubukata! “Nga cakuti Imwe amuba kuno, indume yandi ngata ifwile.” Umweo ne mfwa tekuti fyampane mu nshila imoine, nangu ing’anda imoine. “Imwe nga . . . Ena nga tafwile.”

¹¹¹ Yesu atile ku mwanakashi, “Nine kubuka no Mweo,” efya sosa Lesa. Mwamona? Lintu Alandile, mukubalilapo, “Ndume yobe alaba nomweo nakabili.”

¹¹² Umwanakashi atile, “Ee, Shikulu, Ine icinecine ni nctetekela ico. Ngo mu Yuda, Ine nali cetekela ukuti kukaba ukubuka kwa bonse ukufuma kubafwa; kabili Nali cetekela ndume yandi ali uwabela kabili uwacishinka muku shinshimuna. Kabili Ine nali cetekela ukuti Imwe muli ulya Messiya, uwalanda muli Baibele, pantu Lesa ukushininkisha i Cebo Cakwe muli Imwe cilanga ukuti Imwe muli Nkombe ya ino nshita. Imwe nimwe ulya Messiya. Ine ninctetekela ukuti Imwe muli ulya Kristu uuli nokwisa, pantu imilimo Yenu ipela ubunte ukuti Lesa ali Mutuma kuno ukuba ulya Messiya.” Oh, owe! Lolesheni pafya poswapo fyaisa bapo nomba. Mwamona?

¹¹³ Nomba, alikete nsambu shakulanda, ukuti “Mulandunshi Imwe tamwaishile bushisha ndume yandi? Mulandunshi Tamwa mundapile? Mwaundepe bambi. Cibusa Wenu nganshi, kabili nomba moneni ica citike.” Iyo, iyo, uyo musango wa bwiminishi ta butwala nangu kumo.

¹¹⁴ “Ine nacetekela ukuti Imwe muli bwinobwino fye ifintu Mwa londololwa mu Malembo ukuba. Ninctetekela ukuti buno ebushiku Messiya afwile aisa; ifwe tulolela pali ici. Nshilesakama fintu abo abashala balesosa. Nali cetekela no mutima wandi onse, paco Namona no kumfwa ukupitila mu Cebo, ukuti i Cebo cali shininkishiwa muli Imwe, ukuti Nimwe ulya Messiya.” Mwamona, mulya mukati kakwe, ena—ena ali kwete icintu cimo ica kwipushapopo, lelo ali no kopitila munshila iya lungama.

¹¹⁵ Nga ngacakuti ena abutukile kulya no kutila, “Kabili nomba Imwe mulenjeba ukuti Nimwe ulya Messiya! Kabili ukwabula nangu mucinshi, bu shimucindikwa bwine bwine ubwa kwasuka pafya kwipusha fyesu; lintu Twamilishishe noku Misunga, na fyonse, noku Misakamana, kabili nokufuma muma chalichi yesu, nga fintu Mwatwebele ukufuma mulya mufilonganino.” Mwamona? “Kabili pano twalifuma, kabili nomba tupendwa abakunse bacintala. Kabili nefintu fyonse ifyo twa Mucitila, kabili nomba takwaba nangu umucinshi waseka uwakwasuka ukwita kwandi?” Nomba, icinecine, ena alikwata isho nsambu.

¹¹⁶ Kwati fintu imwe mulanda pa mushishi wenu uwipi, “Ine ndi mwikashi wamu America. Ine kuti nafwala utuputula, ukucita icili conse Ine ndefwaya ukucita, te kupula mwifunde.” Isho ni

nsambu shenu, lelo impaanga lyonse ilalufya insambu shaiko. Uh-huh. Nga cakuti iwe uli mwana wampaanga! Ena takwata nangu cimo kano amasako, ilalufya ico. Isho ni nsambu shakwe ishapelwa na Lesa, lelo alalufya isho.

117 “Nalikwata insambu sha ku ilunda ku cilonganino icili conse.” Ico cilifye icalungama, lelo mulalufya isho. Mwamona?

118 Ena alufishe shonse isho akwatilepo insambu, ukwishiba i Cebo cakwa Lesa ica sokolwelwe palya pene kuli ena.

119 Atile, “Nine ukubuuka kabili u Mweo. Uyo uwa cetekela muli Ine, nangu afwa, lelo alinokuba no mweo. Uyo onse uwaikala no kucetekela muli Ine takatale afwa. Bushe wacetekela ici?” Mwamona, kwaliko akantu kamo ako ena tashitile nangu ako takumenye. Mwamona?

120 “Ee, Shikulu! Nali cetekela ukuti Imwe muli Kristu, u Mwana wakwa Lesa wa mweo!” O munyina, ifintu fyonse fyali ifya iteyanya ukwaka palya pene. Mwamona?

121 “Nikwisa kuntu mwa mulalika?” Mwamona? Kabili namwishiba icacitike.

122 Mwamona, imwe mufwile mwaba pa ncende iya lungama mukubalilapo ilyo Ena talati apokelele ilambo lyenu. Mwamona, mufwile mwaisa muli yena. Nomba, moneni.

...mu ncende umo SHIKULU ali nokusala ukubika ishina lyakwe mulya.

Imwe mwi kalya umu kate uusha tutumuka muli yena;...

123 Cinshi ico cilepashanyako muce lambo? Tamufwile ukucisakanya pamo nama sambilisho, cena cifwilefye ukuba i Cebo. “*Te mukate wa citutumushi.*” Icitutumushi ni... Imwe mwalishiba ifyo icitutumushi caba mu cintu icili conse. “Icitutumushi cinono ci tutumusha umufuba onse,” umufuba onse e Mubili. Tekuti mu bike akapimfya kanono aka cilonganino nangu ama sambilisho muli Kristu. Iyo, mukwai, cena tekuti cibombe.

124 Bushe muleibukisha imbila yapali Cine wapitile ubushiku? Umulume wenu uwakale afwile afwa. Ico nacilungama. Umulume wenu Umupya e Cebo.

...inshiku cine lubali emo imwe mu ka lye umukate uusha tutumuka umomwine,...

125 “*Inshiku cinelubali,*” bushe cinshi ico cilepashanyako? Ukupwililika kwa Nkulo sha Chalichi Cinelubali, inshiku cine lubali. Cinshi ico bena bali nokulila cena munshiku cine lubali? Iyo tacilaba cinshi? Ilyo tabalati bafume ukuya. Kabili inkulo yonse iya chalichi, ukufuma ku kutendeka ukufika kumpela, yali no kwikalilafye pa Cebo cakwa Lesa ica ilya nkulo. Eico

amasambilisho yenu aya ci Roma, Methodisti, Baptisti, na yonse amasambililo yaba Pentecosti yalifwa.

126 Nomba moneni.

...mulya mwine, *nangu fye umukate wama cushi*;...

Ukupakaswa palwa Wena; Luther, Wesley, ba Pentecosti; bonse bali pakeswe, kabili efyo cikaba nakuli imwe.

...ilyo *mukafuma mu calo ca Egypto*:...
mukwangufyanya kwashalafye ubushiku lintu...
mukaleibukisha ubushiku lintu mwafumine mu calo
ca Egypto inshiku shonse isha myeo yenu.

Kabili tamwakamonemo umukate uwatutumuka
mulya...pamo naimwe mululamba lonse munshiku
cine lubali;...

127 Muli Nabwinga umusuma uwakwa Kristu, panuma yamfwa Yakwe mu Nkulo isha Mfimfi kubuteko bwaci Roma, uko Ena ali nokufwa, “Kano uluseke lwa ng’ano lwaponena mu mushili.” Shibwinga Ali nokwisa, Icapangwa icisuma icakwa Lesa. Imwe bonse mwalyumfwa imbila yandi palico.

128 Naiminine kwishilya lya, Los Angeles, pa Forest Lawn, ubushiku bumo, kabili no mutima wandi wakuntikilwe. Ni banga abafikamo mu Forest Lawn? Mwaliba i...i cibumbwa cakwa Mose na—na...-angelo, Nincetekela nifyo fine, Michelangelo. Kabili cibumbwa ica pwililika, monse kano pe kufi lyaku kulyo; kwaliba apa sonsobolwa nalimo citika wa inci ukushika. Kabili nakatungulula...Nalelolesha, nao acisontelele cena kuli ine. Atile, “Michelangelo aposele inshita ya bwikashi bwakwe bwakwe ukweshu ukuci—ukucipanga... Ali nikabasa, kabili aleesha ukupanga icipasho cakwa Mose. Mulya muma tontonkanyo yakwe, alikwete itontonkanyo mu mano yakwe ifyo Mose alekumoneka. Alikwete ico mu mutima wakwe, ifyo Mose afwile amoneka. Kabili nomba aposele inshita ya bwikashi bwakwe; ukulaimbamo panono apa, kabili afuta, abwelela kunuma kabili alolesha pali cena. Umwaka no mwaka no mwaka, alebombela pali cena. Pakulekelesha lintu capwile, nao abwelelele ku numa nokubika panshi icisalu cakwe ne nondo yakwe, aloleshe pacibumbwa. Cena cali ica pwililika nganshi icipasho cakwa Mose cintu akwete mu mutima wakwe, mpaka afulilwe ngashi, abulile inondo no ku citoba, apundile, ‘Landa!’” Cena citwa ukuti *Icapangwa icisuma icakwa Michelangelo*. Cilya cintu icikalamba muli ulya kabasa, cilya cimonwa cintu ena akwete pa fyo Mose afwile ukuba, cena calelangishafye mukupashanya icakwa Taata Lesa mukalamba.

129 Akwete mu mutima Wakwe, ilyo umufula we sonde taulabako, u Mwanamwaume, pantu Ena ni Taata. Lelo cena califye mu tubulungwa twa bumi twa Cebo Cakwe. Kabili Abumbile umuntu, kabili Amulengele ukukwata ukuisalila umwine, lelo ulya muntu ali ponene. Lelo Kabasa mukalamba,

Lesa, uwabumbile umuntu ukumufumya kulukuungu lwa mushili, Talefwaya ico, Atampile ukupanga umuntu nakabili. Kabili Apangile Noa, afwile uwakolwa. Apangiile Mose afililwe ukusunga i Cebo Cakwe. Apangile ba kasesema abo ababutwike mu nshita sha mafya. Kabili Atwalilile ukukula nokuci bumba mpaka panuma yanshita Alefwaya ica—icapangwa icisuma, uku Mulangisha, icifyalilwa Cakwe, ico icali mu mutima Wakwe ifyo umwana afwile ukuba.

¹³⁰ Ubushiku bumu, kulya ku Yorodani, panuma cilya i Icapangilwe icisuma aa bumbilwe nokupangwa, pano Aishile aleikila panshi mu...pa mapindo ya Nkunda, atile, “Uyu ni Ena!” Ali sansamwike pali ici Icapangwa icisuma mpaka Amupumine Ena nganshi pa Kalbale, ukuti Ena engafwila, ifwe fwe basha pwililika; ukuti ukupitila mu kusumya kwa Mulopa Wakwe, ukuti Engaleta ifyapangwa ifisuma ifingi (ukuba Nabwinga) ku Mwana Wakwe. Icibumbwa cakupapa caliba no mukofu pantu cali ni nsansa shakwa Lesa pakumona i Cibumbwa cakupapa ica musango yo, Ena a Mupumine pamulandu wesu bonse. Mwamona? Palya Alifwile, ukuwamya ifwe fweba shapwililika. Ica Pangwa icisuma.

¹³¹ Moneni, pano Ena atile:

*...inshiku cine lubali mu kalye uyu umukate
uushatutumuka...*

¹³² Nomba, umukate cakupashanya. Yesu atile, “Umuntu tekalilila no mweo kumukate weka, lelo ku Cebo conse.” Te Cebo fye—fye pano kabili palya nga fintu ifilonganino finga fwaya imwe ukucetekela Ico. Lelo i Cebo cakwa Lesa calipwililika! Ni Lesa Umwine mumibele yafilembo, icitwa u “Lubuto.” Kabili umusango uusuma uwa cicetekelo icisha koweshiwa muli cilya i Cebo cili nokuleta lulya u Lubuto ku Mweo wa luko.

¹³³ Ico cili bwino bwino ico mulemona munshita yabushiku muku lingulula kwama tontonkanyo, kabili nefintu fimbi ifyo ifyashala, pantu bwena bulayo ubo Lesa apanga. Kabili Aiminine kulubali lwandi no kunjeba ico, kabili nokunjeba pali aba “ababufi bakema, lelo mwikatilile abashangila.” Ine nali Ci cetekela. Kabili takuli ubwiminishi bwakuitemwa, ubwakucena uuli onse, lelo ukuba aba mucinshi kuli Lesa nokubomba umulimo untu Anjitile ukucita, uyo wine emulandu Ndelandila ifi fintu. Kabili Lesa alacishininkisha noku cibwekeshapo, kabili alapokelela icapelwa nelambo, muku cishininkisha cena ukuba Icine. Takuli ilipusho pali Ico! Nomba moneni ico Cebo!

¹³⁴ Nomba, ifwe twamona apa, “*Inshiku-cine lubali*,” isha nkulo sha chalichi conse. Nomba, cilya iCintu cawamisha cali nokufwa, pakutula cabushiwa ukulubula ifwe bonse. Nomba Alikwete icabikilwe mu mutande pa Pentecosti, lelo cilya i Chalichi cali nokupita mwilambo; kabili isonde lyaci Roma lyali cipeye, noku cibika mu mushili.

¹³⁵ Pamo ngoyu kalemba waili ibuuku, Teti intontonkanye palwa ico nomba, ali mpuumishe apakalamba, nokutila, “Pa fiwa fyonse, ni William Branham.” Mwamona, ifyo eflyo ciwa esha ukulanda. Atile, “Ifimonwa ne fintu,” atile, “ifyo fyonse fyakwa ciwa,” atile, “limbi, wene ni umo uwamusango waku lufyanya amatontonkanyo yabantu, nangu ukubombela mu mano ya pulamo.” Isonde lya ba masambililo lyonse lilesha uku Ci pelulula.

¹³⁶ Ifyo efintu bena baeseshe uku mupelulula Yesu. “Nimu nshilanshi Imwe mucitilamo ifi fintu? Cinshi cacitile ico?”

¹³⁷ Atile, “Ine nala kwipusha ilipusho. Bushe ubupyungishi bwakwa Yohane Kabatisha . . . Bushe bwali bwakwa Lesa nangu bwali bwa muntu?” Mwamona?

¹³⁸ Atile, “Ifwe tekuti tusose.”

¹³⁹ Atile, “Nangu Ine nshamwebe.” Ico nacilungama. Batwalililepo. “Ukufuma palya ukuya kuntashi tapali umuntu uwa Mwipwishe icintu icili conse.” Mwamona? Ena abaputwilefye, Tabebele icintu nangu cimo palwa Ico; tawali mulimo wabo. Alikwete umulimo uwakucita kabili Ali upwishishishe.

¹⁴⁰ Lesa twafweni ukucita icintu cimocine. Ifwe tatufwile ukwasuka amepusho yakwa ciwa, ico cacine, “Ngacakuti iwe uli, cita *cakuti-na-cakuti*.” Iwe uli uwashingamwa pali iyo Mbila nsuma, eflyo kashimikila aba, kabili eifyo fine; tefintu Cena calembwa, kushingamwa fye kuku Ci sosa.

¹⁴¹ Kabili ngo mubomfi, ngacakuti uli kasesema, iwe waliba uwashingamwa kuli Lesa. Kabili nga cakuti ifimonwa fyaisa noku buutisha ili i Lembo kabili nokulangisha ifyo Lyena lili, iwe uli uwashingamwa pa Cebo conse icaba muli iyo Baibele, pantu Cena calembelwe na bantu bamusango umo wine ngafintu imwe mwaba. “Lesa uwakale aendele, naba kasesema, no kulemba Uwa- . . . Baibele wa Mushilo.” Mwamona? Kabili takuli kasesema mwine mwine uwa kwa Lesa uwinga kanapo i Cebo cimo pali Cena, lelo kucetekela i Cebo conse noku shimikila cimo cine. Kabili nomba Lesa aliba uwashingamwa uwa iyo nshila iya kulengelamo i Cebo ukufikilishiwa bwino bwino fye mu musango Cena calaiwamo, u Lubuto luli nokukula.

¹⁴² Nomba, lolesheni nakabili, bwangu bwangu, tulesanga ukuti inshiku shonse cine lubali isho uyu umukate wali no kuliwamo, ukupita mu Nkulo sha Chalichi Cine lubali. Nomba, lintu cafwile nokuya mu mushili.

¹⁴³ Kabili uyu kasusha uyo uwalandile pali ine, atile, “Pali Lesa untu imwe mwe bantu mu pepa, uwingekalafye mu Nshita sha Mfifi no kulatamba balya banacifyashi, abaimita, bamo pali bena notwana utunono mumaboko yabo, abantu abacishinka, nokuposwa mu lubansa ne nkalamo ukubalepaula mutupimfya, kabili nabena balepunda; ukubatanika pafya

pindama nokuboca; ukufula abanakashi ubwamba, bana cisunga abaice, no kuiposa abene *nge fi*, noku kakwila inkalamo pali bona.” Atile, “Uyo Lesa uungekala mu Muulu, apafwile ukuba pa cipuna Cakwe, no ku lolekesha panshi no kutila Ena aleipakisha pali co,” atile.

144 Nomba, mwamona, uko kwishiba kwa mano yakusambilila icili ayo ayaba ayakwa ciwa. Nga cakuti umuntu aaba uwa mupashi, kuti aishiba ukuti lulya uluseke ulwa ng’ano lufwile lwafwa, lufwile lwashikwa mu chalichi icikalamba icaci Roma.

145 Lelo nomba ukupuuka kunono ukwakubalilapo ukwa Mweo kwaishile muku panga cipyacipywa na Martin Luther, ukutila, “Abalungami tabali nokwikalilila kuka papatu ka mukate akapalwa akacitwa na shimapepo, lelo ku Cebo cakwa Lesa. ‘Abalungami bakekalilila ku cicetekelo!’” Ena abikilepo utumashinte tubili. Uluseke lwa ng’ano lwatampile ukukula.

146 Nomba kwaishile John Wesley nokulundako kuli cilya. (Kwali abengi bambi, abo . . . Zwingli na bona baishile no kukana ukufyala kwakwa nacisungu, kabili cena capelele apo pene.) Lelo kwaishile ba Methodisti, i mpupunga, ubuluba, ubushiku bwaba minshoni. Kabili bashimikile ukushishiwa; balundileko impupunga.

147 Nomba kwaishile ba Pentecosti mu cipapa, apakalamba, ukubepa a Basalwa. Camoneke kwati luseke ulwinelwine ulwa ng’ano, lwaiswiwe, tamwali ng’ano nakalya. Lelo u Mweo ulepita mu cipapa.

148 Nomba, bushe imwe mwalimona, panuma yamyaka itatu ya—ya musonkano ukalamba, cinshi cikonkapo? Icilonganino. Ino myaka amakumi yabili ukwabula icilonganino. Wemutemwikwa we Mwana wampaanga ilefwa, wileka ico cicite ico. Ngacakuti Ine naya muli ino nkulo, lekeni abantu a bacetekela iyi Mbila bekatala kwiminina shilili pa cilonganino! Lesa ali . . . Iwe ukafwila munshila yobe! Ibukisha ico! Ilya ine inshita mwalumbula icilonganino pakati kenu, Nshilesakamana ifyo imwe mwingaba abacishinka, ukubula umuntu ukuba intungulushi yenu mucifulo ca Mupashi wa Mushilo uku shininkisha ici Cebo, iyo ine e nshita muli nokufwa! U Lubuto ulwine lwine tekuti, pantu tapali nangu cimo icashalapo panuma ya lubuto, cintu cimo cine icali kunuma kulya kwine mukutendeka. Cena cali ni Nabwinga uwaponene mu mushili pakuleta uluseke lwa ng’ano nakabili.

149 Moneni:

*. . . inshiku cinelubali muka lye umukate uusha
tutumuka . . .*

150 Kabili kulya efyo cikaba na Nabwinga . . .

151 Nomba, imwe mwe bantu abakwete ulya umukote uwalepunda namayo umwina Methodisti, nafimbipo, ukuti

imwe mwali sungwike “Ngacakuti ena talandile mundimi, ena takabeko kulya.” Ico bufi! Ali ulya umowine Mupashi Wamushilo untu imwe mukwete ilelo, lelo wali mumibele ya mpupunga, tekubwekeshapo kwa fyabupe. Lelo inshiku shonse cine lubali, lyenyife umukate wabule citutumushi, i Cebo. Balya, kunuma, balya abapangile filonganino, bene balifwa. Bena mupeti, bena baka kolonganishiwafye nokocewa. Lelo u Mweo uletwalililafye ukupita. Kabili cinshi cilecitika? Onse u Mweo uwali mumupeti, mu mpupunga, mucipapa, onse walekelesha mu ng’ano. Kabili ulya umo wine Mupashi wa Mushilo uwaletete Luther, waletete Wesley, waletete ba Pentecosti, walekelesha muli Nabwinga pakubuuka.

¹⁵² “Inshiku cinelubali, mukalye umukate wabula icitutumushi.” Takuli icitutumushi icikasangwa pakati kakwa Nabwinga, takuli—takuli icebo icalundwako, takuli nangu cimo. Ibukisheni, ishiwi limo yalengele imfwa yonse iyaba pesonde; onse umwana uwamu cani afyelwe pamulandu wakwa Efa, i chalichi cakubalilapo, nabwinga wakwa Adamu wakubalilapo, atwishike i Cebo cakwa Lesa noku pokelela icilonganino, nangu amasambililo, nangu i tontonkanyo lye sukuulu pali Cena; pantu Cena cali kalulushenye, ukuti, “Icine cine, Lesa ni Lesa umusuma.” Lesa ni Lesa umusuma, lelo Ena pamo ni Lesa umulungami. Tufwile twasunga i Cebo Cakwe! Isukuulu, ena aalicipokelele.

¹⁵³ Apo epo imwe bamo mwe balumendo baku seminali, takuli kutwishika ubwite mu myeo yenu, lelo imwe mwabutukile kwi sukuulu limo ilya Baibele kukukwata ili sambililo ukulibika muli imwe, kabili apo epo imwe mwafwila. . . Ikaleni na Lesa ne Cebo Cakwe. Bena tekuti bamileke; nangu, tekuti mube namu cilonganino cabo, tekuti bamipokelele napa cintamba. Eico lekeni bena bacikwate, lekeni abafwa bashike abafwa banabo, lekeni tukonke Kristu i Cebo.

¹⁵⁴ Nomba, inshiku cinelubali kwikaba icitutumushi icasankanishiwa muli Nabwinga, i Chalichi, panshiku cinelubali.

¹⁵⁵ Nomba moneni. Nomba nga te . . .

Kabili kwikaba umukate uwatutumuka ukumoneka muli iwe mu ncende shobe shonse panshiku cinelubali;. . . (Ilambo pano cakupashanya: Nabwinga ukwisa ukufuma kwi Lambo ilyo ilili ni Kristu.) . . . nangula kwikaba icintu conse ica mubili, ico cintu mwapele ilambo mubushiku bwakubalilapo mucungu, . . .

¹⁵⁶ Kabili ibukisheni—ibukishenifye ifyo ifwe twapitile mu Nkulo sha Chalichi? Inkombe yaku chalichi lyonse isafye pa kupwa ukwa nkulo ya chalichi imbi, lyonse. Ukufumapo kwa Pentecosti kuletamo ukusumbulwa kwakwa Nabwinga.

Mwamona? Ukufumapo kwakwa Luther kwaletelemo Wesley. Mwamona? Ukufumapo kwakwa Wesley kwaletelemo Pentecosti. Ukupwa kwa Pentecosti kwaleta i Mbila nomba. Pano, cilifye pano pene, icalingwa monse mu Malembo. Tamwaba ilembo muli Baibele ilisha suntinkana limo nelibiye. Mwamona? Fyonse ifi fyakupashanya. Ine nshasambilila, lelo Nali kwata Mupashi wa Mushilo uunanga inshila imbi iyaku fundishishamo cena ukufuma, ukufuma ku bubumbo; kabili neco kupitila mu Cebo. Cifwile ukuba i Cebo, ifintu fintu alaile.

*...umubili, ...i lambo ilya bushiku bwaku
batilapo...nalyo, lyale ikala ubushiku bonse mpaka
uluceho.*

¹⁵⁷ Nomba, nangufye ni Luther, uwakwete Icine kabili afundishe mu chalichi “abalungami bakekalila kucicetekelo.” Tamufwile ukwikatilila kuli ico ukuba isambilisho lyonse ilypawililika, mu nkulo yaba Methodisti. Bushe cinshi ico mukacita? Ukoca cena no mulilo. Bushe cali cipasho camusango nshi? Icilonganino icifuma muli ico Cebo mu fipaapa fyakunse, umupeti, fifwile uko cewa no mulilo. Ico iciputulwa cacilonganino cintu cena cishilamo cifwile caonaulwa, cifwile ukufwa. Tamufwile ukucileka mpaka ukufika kukwisa kwa nkulo ibiye—ibiye, coceni! Alelanda nomba kuli Nabwinga pano, Nabwingafye, uufuma muli cila nkulo.

¹⁵⁸ Moneni ifyo cawama “Umulopa wa mwana wampaanga.” Aba e Mubili wakwa Kristu, Ilambo: umulopa wa mwana wa mpaanga pa mwinshi. Nomba, ibukisheni, umwana wa mpaanga alipaiwe ico icali icipasho cakwa Kristu.

¹⁵⁹ Nangu kuti twasenda inshita iitali, lelo Nshikwete...ama minetifye ayanono ayakuba pano. Ine mfwilefye naleka nokwisa tampa nakabili mubushiku, mwamona, pantu twalanda pa nshita iitali ngashi. Cena cili...Ninkwata amabula amakumi yabili palwa ici pano, pafya lembwa, pali ili sambililo limo.

¹⁶⁰ Moneni nomba, pali ici, u—u mwana wa mpaanga ali ni Kristu mumibele mukulanda. Bushe Ninungika mukulanda ico? Icipasho; Kristu aali Mwana wa mpaanga. Ali nokuba iilume, ibeli ukufuma muli nyina inkota; nangula inkota, conse ico mwasala ukwita. Ifwile ukuba ibeli. Kabili ifwile ukupimwa pakubala ukumona ngacakuti pali icibala pali yena.

¹⁶¹ Nomba, Kristu ali eshiwe; umwana wa mpaanga ibeli ukufuma muli ukufuma muli nyina inkota, Maria nacisungu. Kabili aeshiwe kuli cinshi? Satana ukulwisha i Cebo. Lintu ena aumine Efa, aponene; aumine Mose, aponene; lelo lintu ena apupwike ukulwisha Kristu, kabili nokwisha ukwambula a Malembo mucilubo kuli Ena, uh-huh, asangile ukuti ulya tali ni Mose. Mwamona? Alyeshiwe. Cinshi acitile...alipilibwike, atile, “Ngacakuti Iwe uli Mwana wakwa Lesa. Nomba balanjeba

ukutila Iwe ulacite fisungusho, kabili balanjeba ukutila Messiya eufwile acita ifyo. Nomba, ngacakuti cili ifyo fine, Iwe uli nensala, Taulile, pilibula uyu mukate muli, nangu, aya amabwe mu mukate, kabili nokulya.”

¹⁶² Atile, “Calilembwa, ‘Umuntu takekalilile no mweo ku mukate weka.’” Isambilisho lyobe, nafimbipo. Lelo ku cinshi? Conse Cebo! Iciputulwa ca Cebo? “Conse Cebo icifuma mukanwa kakwa Lesa.” Eco u muntu ekalilako no mweo. Mwamona? Umwanawampaanga alyeshiwe, moneni ngacakuti kuli pamo pantu Ena aliwile.

¹⁶³ Aba Fariseo, “O Kafundisha, Iwe Kasesema munono, ifwe tule tontonkanya Iwe uli wakupapa. Iwe uli musuma.”

¹⁶⁴ “Cinshi imwe mwaitila Ine umusuma? Kwaba fye Umo umusuma, no yo ni Lesa. Bushe mule cetekela ico?”

¹⁶⁵ “Oh, ee. Lesa.”

¹⁶⁶ “Ukuba, Ine nine Ena, nomba.” Uh-huh. “Imwe mutile kwabafye Umo umusuma. Mulandushi mule Njitiba ‘umusuma,’ ilintu imwe tamwacetekela Ine ukuba Lesa?” Uu-huh. “Eico mulandunshi imwe mule Njitiba umusuma? Cinshi cilelenga imwe ukucite fyo? Cinshi ci misubile ukusose fyo, ilyo imwe mwalishiba ukuti kwabafye umo umusuma, noyo ni Lesa?”

¹⁶⁷ “Twalishiba Imwe tamucindika ubucindami bwamuntu nangu ishiwi lya cifulo cakwe. Ifwe twalishiba ico.” Esha . . . Ena alishibe ulya myalumyalu. Mwamona?

¹⁶⁸ Ena alyeshiwe ukumona apo Ena aiminine, mwamona, ukweshiwa mu nshila shonse, ukweshiwa ngefyo ifwe tweshiwa. Lelo takwali ukuibwelamo, kuli Ena, nakalya. Iyo, mukwai! Ulya ali Mwana wakwa Lesa.

¹⁶⁹ Kabili umwana wa mpaanga alyeshiwe, kabili asungilwe pashiku ikumi na shine. Ayo yali ma Sabbata yabili, nangu inkulo shibili. Imo ya ba Yuda, intu bena bapele umwana wa mpaanga mu kupashanya; imo ku bena Fyalo, abo abakwata Umwana wa mpaanga umwine-wine, kabili bena bonse balengelwe ukupwililika paku kucetekela uyu Mwana wa mpaanga uwali nokwisa. Lelo Ena aeshiwe inshiku ikumi na shine . . . nangu apiminwe pashiku ikumi na shine, Ena ali Cebo.

¹⁷⁰ Kabili imwe kuti mwacaceta i Cipangano Cakale, nokutiila “Cena cilasusha i Cipyu.” Imwe muli mucilubo! I Cipangano Cakale citungililafye fye i Cipyu.

¹⁷¹ Umuntu umo aleefwaya ukumbecha ine tapapitile inshita sana, atiile, “Bushe cinshi cilubene na ena?” Atiile, “Ukuba, ena alafundisha ukufuma na mu Cipangano ca Kale.” Kashimikila umwina Kristu, tontonkanyeni pali co. Atiile, “I Cipangano ca Kale califwa no kupwa.” Oh, iyo! Oh, iyo! Yena malangofye,

ukulangisha ifwe ifyalembwa pa cibumba. Mwamona? Ico nacilungama.

¹⁷² Nomba, moneni, inshiku ikumi na shine ca lyeshiwe, uyo ali ni Kristu. Nomba moneni, elyo ena aipaiwe munshita yacungulo kasuba, alingile ukwipaiwa, umwana wa mpaanga efyo ali. Kristu afwile mu nshita ya cungulo kasuba, icungulo. Kabili nomba moneni, kabili nao ali pamo. . .

¹⁷³ Umulopa wali nokushingwa pa filu fyapa mwinshi, mwamona, uyo mulopa e mweo wa nama. “Mukalye umubili waiko; lelo umulopa waciko ico icaba umweo, muka upongolole.” Mwamona? Cali no kuba. . . Umulopa wali noku bikwa pa filu fyapa mwinshi wama yanda umo muntu ilambo lya pokelelwe. Ubukata! Bushe Umweo cinshi? I Shina. Lintu. . . Ena abikile ishina lya muntu. . . Kabiyepe mwinshi, noku lolesha, umone lishina nshi ilili paciibi ilyo taulalisha imbelu. Mwamona? Umulopa wabikilwe pa cilu capa mwinshi nge cakupashanya lilya ilambo lyali mukati.

¹⁷⁴ Nomba tulinokusanga incende yaku pepelamo, ukupita palya pene, ukwisa ukupitila muli ulya Mulopa. Moneni, umulopa pamwinshi walelanda ishina pacalecitika. . . lyali mukati, bena bali mulya. Incende yesu iya kupepelamo, Umwana wa mpaanga, e Cebo. Twalishiba ico.

¹⁷⁵ Nomba, versi 4, moneni, “Mwikasha umukate, mwikasha nangu limo ilambo,” nangu, ukubula limo ukufuma munkulo imo nokuya muinankwe.

¹⁷⁶ Ukwesha ukubwelela kunuma nokutila, “Ukuba, nomba, ifwe tuli bakwa Luther, tulefwaya ukwisa kuno,” iwe ufwile ukufuma mu nkulo yakwa Luther paku fyalwa mu nkulo yakwa Wesley. Mufwile ukufuma mu nkulo yakwa Wesley paku fyalwa mu nkulo yaba Pentecosti. Kabili mufwile ukufuma mu nkulo ya Pentecosti, tapafwile ukushala nangu cimo muli cena, mufwile ukoca mu mulilo, pantu cena cili nokupya ngo mupeti umo ing’ano shifuma. Umupeti, icilonganino, fifwile uko cewa. Eico tamufwile mwaleta icilonganino cenu mulya mu Mbila ipya. Ici e Cebo nomba. Ifyo efya ikatilile, umupeti; cena ecasendele Ico, ico nacilungama; lelo Cena caisa namu *muno*, elyo umupeti wafwile. Cena cali nicikasenda, icilonganino, lelo i Cebo cena catwalililapofye. Ee, i Cebo catwalililapofye.

¹⁷⁷ Nomba buleni versi 5 na 6. Moneni, “Te. . .” Nomba natubule versi 5 na 6.

Imwe mwikepaila ilambo lya cakucilila mukati ka mpongolo ishili shonse, iyo SHIKULU Lesa wenu alemupela:

¹⁷⁸ Nomba ibukisheni, “Te muli imo iya ishi mpongolo.” Shikulu alemu suminisha imwe ukukwata muli ifi filonganino, mwamona, “ishi mpongolo.”

*Lelo pa ncende iyo SHIKULU . . . Lesa asala ukubikapo
ishina lyakwe, . . .*

179 Iyo e Mpongolo, incende fye imo. “Tayaba muli imo iyaishi mpongolo.” Lelo Lesa alikwata i Mpongolo.

180 Imwe mutila, “Cila lucelo Ndengila mu mpongolo yaba Methodist.” Ico e chalichi. “Cila lucelo Ndengila mu mpongolo yaba Katolika.” Uh-huh. Ukuba, Shikulu alekele abantu Bakwe ukwingilamo no kufuma muli isho impongolo. Lesa alikwata abantu bakwe mu chalichi ca Katolika, mu chalichi ca Methodist, mu chalichi ca Presbyteriani, bonse, ba Pentecosti. Icine cine, lelo tamufwile . . . imwe tekuti mu pepe Shikulu muli iyo mpongolo. Mwamona? Lelo Shikulu alikwata impongolo. Ubukata! Alikwata impongolo.

*Lelo pancende apo SHIKULU Lesa wenu . . . asala
ukubika ishina lyakwe, palya . . . epo imwe muka pele
ilambo lya ca kucilila munshita ya cungulo kasuba, . . .*

181 Ni nshita nshi intu Rebeka asangile Isaki? Ni nshita nshi intu Eliesa aitile ena ukuba nabwinga? nimu nshita ya Cungulo kasuba!

Ci kaba u Lubuuto mu nshita ya cungulo
kasuba,
I nshila yaku Bukata icinecine muli noku
isanga;
Muli ilya inshila yamu menshi e muli u
Lubuuto ileelo,
Ukushikwa mwi Shina ilya wamisha ilya kwa
Yesu.
Abaice na bakalamba, lapileni ku membu
shenu shonse,
Mupashi wa Mushilo icine cine ali
nokwingilamo;
U Lubuuto lwamu cungulo na lwisa,
Cena cishinka icakutula Lesa na Kristu baba
umo.

182 Iyo eyali intendekelo ya Luko, nomba lwena lwalipwa nokwingila mu Lubuuto lwakwa Nabwinga. Mwamona ico Ndepilibula?

183 Cawama nalekela pano, nokutampa nakabili mubushiku, pantu Nshilefwaya imwe ukusha ici, mwamona imwe. Iyo, iyo, ni—ni nshita ya cakulya ca cungulo bushiku. Ukaba, cisuma, Ninkwata ifyalembwa ifingi pano. Oh, owe! Inga palwa bushiku, bushe ico kuti cabapo bwino? [Ulukuta lwatila, “Iyo. Nomba.”—Kale.] Huh? Ukuba, nga cakuti imwe . . . Mulefwaya ukweshafye ukuya pa ntanshi panono? [“Ee. Ameni.”] Cisuma, natu yeko pantanshi panono nomba, twala angufyanyako bwino fye. Caba shani ico?

184 Nomba, ingilenimo pali cinshi? “Imwe mwikengila mu mpongolo i ili yonse intu Shikulu Lesa apela kuli imwe, kano pa mpongolo intu Shikulu akabikako i Shina Lyakwe.” Te kwingila mu ng’anda ya—ya mpongolo icili mwinshi. Cacine co? Lesa akabike Shina Lyakwe pamwinshi, kabili imwe tamwaka. . . Iyo ni mpongolo iingila muncende yakupepelamo, umwaku lanshanishisha. Imwe mwikengila mulya ne cakucilila cenu muli imo mumpongolo ishi, kano mumpongolo iyo Shikulu Lesa akasala ukubikako i Shina Lyakwe. Mwamona?

185 Nomba, bushe Ena alicitefyo? Nikwi kuli iyo Mpongolo? Muli Yoane Washila 10, Yesu atile, “Ine nine Mpongolo, u Mwinshi. Ine nine Mwinshi ku Ng’anda yakwa Lesa. Ine nine Mwinshi kumukuni wampaanga.” Te ku mukuni wambushi, kumukuni wa mpaanga. Mwamona? “Ine nine Mwinshi kumukuni wampaanga. U muntu kuti aingila pali uyu Mwinshi, nokuba uwa cingililwa.”

186 Kabili nomba kuti twaikale nshita nkalamba pali ico. Lelo, ukusungako inshita, Ena e Mwinshi kuli ulya mukuni wampaanga. Nomba, tulefwaya ukumona apa, ifinshingwa nefipasho filifye palwalala apapene, lelo Ine. . . ngacakuti Na bula ilyo ibula Ine kuti. . . calamuteka panshita.

187 Cisuma, moneni, ici cacileta palwalala, Yesu Kristu. Pakuti conse i Cipingo ca Kale cipasho Cakwe, yonse amatebeto, conse ukushinshimuna, ne fintu fyonse. Kabili Ninkwata ifilembelwe apa, pesamba lya mulongo wa aya Malembo, “Cilondolole.” Apo epo cingasenda inshita nkalamba. Ukulondolola fintu amatebeto yonse. . . Nangu fye cakupalamika ca bunga cali cipasho cakwa Kristu. Natu bulefy ico.

188 Inshita imo kwali i—i sukulu ilyaleitwa isukulu lya bakapyunga, nangu isukulu lya bakasesema. Bena balefundisha, ukusambilisha bakasesema. Kabili kwali umwinemwine, kasesema uwaitwa na Lesa inshita imo aile kulya mukubatandalila. Ukuba, balefwaya ukulanga kasesema umukote umucinshi unono, eico umu muli bena afumine nokuyatola umwiina wafintu atontonkenye ukuti nintongwa; lelo fyena fyali myungu ya mpanga iya busungu, kabili ena ali nokubaliisha bonse kuli ifyo.

189 Oh! Bwingi nshi ubwa miina yaba seminali buntu twakwata! Mwamona? Cisuma. Bena baleipikapo ifintu fimo. Mwamona? Bakwata umwiina wa fyaba ba Methodisti, umwiina wa fyaba Baptisti, umwiina wa fyaba Pentecosti. Lelo, mwamona, bena fintu fyatumba ifya cibili, umusango umo uwinga putulwako ku cimuti. Mwamona, te cimuti ca Mwangashi icine. Ukutwala indimu, ifisabo fya mwangashi, na fimbipo; te macungwa, lelo ukuitunga ukuba icimuti ca fisabo.

190 Moneni nakabili. Nomba, muli ici—muli ici, ilintu Eliya aishile nokulolesha kulibene, nokumona ukuti shali myungu sha

busungu ishali nokwipaya bonse balya, benea batile, “Owe, muli imfwa munongo!”

¹⁹¹ Atile, “Ndeteleni ubunga palupi.” Nao aposele ubunga muli cena, atile, “Nomba cilifye bwino, lyeni fintu mulefwaya.” Cena ca alwile imfwa ukuba umweo.

¹⁹² Na bulya bunga bwa tulilwe kuli Kristu. . .Ena ewali u Bunga bwa kutuula, kabili ubunga bwa kutuula bufwile ukupelwa nelibwe limo ilya kalabana ilyalelenga cila mwiina wabunga ukuba cimocine, ukulanga ukuti Ena aba umo wine mailo, ilelo, no muyayaya. Enae cintu cimocine ukubikwa mu cilonganino cobe naco cikaba no mweo, i Cebo! Kristu e Cebo, ifipasho fya fintu fyonse: i hema, i—i—i mikate yakucinso, ifintu fyonse. Umukate wabule citutumushi uwa mokawilwe pa mbale wali mubili Wakwe uwamokawilwe, ico aba Yuda tekuti balondolele umulandu bena bacicitila. Mwamona? Kabili na fyonse fimbi ifi fyale pashanya kuli Ena.

¹⁹³ Nomba, lyena, Ena mukumoneka, ifwe twamona nomba ifilonganino fyonse na masambilisho ukushala kunuma; pantu Ena e wapwililika, icishipilibuka i Cebo cakwa Lesa, icili mukate wabule citutumushi, Yoane Washila 1. Ico cacine, Ena Mukate wabula icitutumushi. Eico ilyo mwa lundamo *ici* nangu ukulundamo *cilya*, cena citutumushi ca lundwa kuli Ico icintu pakubala icapelwe kuli imwe.

¹⁹⁴ Lolesheni kuno. Cinshi cile ipaya umutundu wa muntu ilelo? Bena balabula no kutobenkanya ifintu. Kabili ilintu mwa ci tobenkaya, imwe mwa cipaya. “Oh, cena cimoneka ica yembelako.” Cinecine! Itaba ilya tobenkanishiwa: ba koniflekishi, ifilyo fyonse ifyashala ififuma kwi taba. Itaba ilya tobenkanishiwa: ilya cindama, ilikulu, imikonso iitali iisuma, kabili impupunga ishacindama ishikulu, ukumoneka kwati shawamishapo nalibili ukucila ishibiye. Lelo nimfwa! Sayanshi nayo yalisangeco. Mwamona? Mwi cisakanya, cena cikamwipaya.

¹⁹⁵ Nomba, kuno, lekeni ine mulange. Ubushiku bumo Ine naletapilila amaluba mu lubansa lwandi. Kabili namayo ali namaluba yamo ayatobenkanishiwamo ayali mukakopo kuno, nangu akakubyalamo pambali ya ng’anda. Ifwe tufwile ukuyatapilila nalimo imiku itatu cila mulungu, nangu ine, nga teifyo yena kufwa. Kabili apo pali icilimwa icapakubala kunse mulubansa. Takwaloke mfula kulya pa myeshi mutanda, kwabafye ukwauma. . .Ngacakuti yaloka, muli ba miniti ikumi kuti mwaulula ulukungu. Lelo kalya kantu kali kunse kulya, kalifye akayembesha kabili akakosa ukucila fintu ilya tobenkanishiwamo lyali namenshi yonse. Imwe mu talusheko amenshi kuli lyena, lili nokufwa. Lelo nikwi uko lifumya amenshi yaliko? Kabili icintu cimbi, imwe mufwile ukutwalililafye ukulayasansa umuti cilabushiku nangu shibili,

ukutalushako utushishi kuli yena. Yena tekuti, utushishi kuti twapwa ukulilya, lyena lintu lyanakilila kabili ilyanaka. Lelo takuli kashishi akengekala pali lilya ilya pakubala. Iyo, iyo! Kuti kakulikilako kuli lyena nokukulika ukuya. Lyena lyapakubala! Mwamona fintu ukutobenkanya kwacita?

¹⁹⁶ Ico cintu cimo cine na mu chalichi. Bena bale esha ukutobenkanya icilonganino ne Cebo, ukupanga i... ukweshwa ukulenga i Cebo ukusosa fintu i cilonganino cisosa. Kabili lintu mwacitefyo, imwe mufwile ukulabasansa nomuti, nokuba tentemba, no—no kubapela intanda sha golide pakuti bengesa kwisukululu lyapa Mulungu, nefintu fyonse ifyashala. Ico cacine. Ilintu, umwinemwine, uwafyalwa cipyacipywa umwina Kristu, uwafyalwa ku Cebo cakwa Lesa, ena alikosa. Uyo niwe. Utushishi nefintu fya mwisonde tafimusakamika. Ena ni kapumpe, alapupuka ukupita palico. Mwamona, ukuya mummyuulu. Mwamona? Cacine. Nangu cimo...

¹⁹⁷ Moneni. Nomba, ifwe tufwile ukumfweco pano, icilonganino, amasambilisho, ne cintu icili conse ica lundwamo icamukate wa citutumushi tekuti cisankane no mukate wabule citutumushi. Kabili na Baibele ilecilangila limo umu mu kushila, kwa kwingila mukushinshimuna, ukuti icishili citutumushi cifwile ukusendwa naiwe, na Lesa akacipokelela.

¹⁹⁸ Imwe mwatila, “Nine Methodisti.” Apopene iwe wafwa! “Nine Pentecosti.” Iwe wafwa!

¹⁹⁹ Ine ndi wakwa Kristu. Ico cacine. Ufwile ukwiminina pa cintu cimo. Ico cacine. Iwe na—iwe nawiminina pa cintu cimo.

²⁰⁰ Churchill limo atile, aimishe iminwe ibili nokutila, “Ifwe natukwata ukucimfya.” Kabili England ya iminine pali ico, bena bacetekele Churchill.

²⁰¹ Kabili cetekeleni ici nangu iyo, muno lucelo, imwe namwiminina pambali yacintu cimo. Kuli fye icintu cimo cintu mwingekalila no kwimininapo, neco ni Kristu, i Cebo. Cacine!

²⁰² Moneni, takuli nangu cimo mu Baibele icipashanyako ifilonganino kano Babiloni. Na Babiloni aimikwe na Nimurodi, kabili Nimurodi alicisanguka. Kabili akwete ibumba lyabanakashi mulya, abali nga banamfumu bakwe, abali bakasesema. Ba tontonkanya nokuti ulya Balaamu umukalamba afumine kuli ulu lubali, bena bakwete imishila nafimbipo. Bena balepepa, na mwishiba (abengi muli imwe abasambilila abalebelenga Hislop’s *Two Babylons*, na fimbi po, ne lyashi lyakale ilya lukuta), na fintu ba—ba balecita. Kabili bakwete abanakashi abale cite *fi*, na banakashi... umulungu mwanakashi, nefintu fyonse, kabili calimipepele yakupatikisha. Umuntu onse, umusumba onse ukushinguluka Babiloni wale ebwa ukwisa ku Babiloni kukupepa pesamba lyakwa Nimurodi palupungu. Mwamona? Ico cacine. Bena bale

patikishiwa ukucicita, kuli Babel. Apo epo icimfulunganya catampile.

203 Kabili efintufye ulukuta luli ilelo, “Nga cakuti taulesangwa kwi sukulu lyapa Mulungu, ngacakuti taulecita *ici*, kabili bafwile uku kulemba ukucita *ici* nokucita *ici* nokucita *cilya*, iwe wafuma mucikope.”

204 Kulya mu Tucson, balekutika muno lucelo, Ine limo nalesunguka... Ine lyonse ndakonkomesha abantu ukutula, “Kabiyeni kukupepa, temulandu konse kuntu imwe mwaya.” Kabili Namwene abantu ukuba abashimashima, nokuya *iyi* nshila. Kabili Na tontonkenye ukutula, “Bushe bwafyanshi?”

205 Naile kuli bamo pakati kabo, “Ubushiku bwaku balilapo buntu mwasangwa kulya, bena bakesa kuli imwe, ‘Ilunde ku lukuta lwesu.’ Nga cakuti iwe taucitile *ici*, tauli wapokelelwa.” Mwamona? Mwamona? Cena cintu cakupatikisha, bacipatikisha pali imwe, mwamona, kabili ico ni Babiloni. Lelo muli Kristu, mwingilamo ukupitila mu kusalwa; tekumaka, mutima wenu uumutintilamo.

206 Lesa tabikile i Shina Lyakwe kanshi mu Babiloni. Mupepi nombamba. Ena tekuti abike i Shina Lyakwe mu Babiloni, ama chalichi. Oh, bena, *benababikile* i Shina Lyakwe mukati mulya, lelo Ena teti. Iyo.

207 Imwe mwatila, “Ukuba, nombamba, Munyina Branham!” Loleleni, loleleni, ikalenifye tondolo pali minitifye. Imwe mwacinombamba ukukokolako panono. Bushe tamulemona? Nombamba moneni, *benababikile* i Shina Lyakwe mulya, lelo Ena tacitilefyo.

208 Nombamba, Atile, “Incende intu Nkamukumanyamo nokupokelela icakucilila cenu ekuntu Nasala ukubikako i Shina Lyandi. Imwe kwingilamo pali *iyi* mpongolo, uyu mwinshi apo Ine nasala ukubikapo i Shina Lyandi. Uku eko imwe mwisa.”

209 Ukuba, bena *babikile* ukuti, “Ici e chalichi cakwa Kristu.” Nga cakuti kuli icintu cimo icalubana muli uko kusosa, cena cashileko ishiwi limo: “mukana.” Uh-huh, fyonse fintu Afundile, bena bali talikene na Fyo. Aba Fariseo ba nombamba.

210 Lelo ifwe tufwile ukusanga uko Ena abikile i Shina Lyakwe, pantu muli Lyena emumpongolo Yakwefye iyapelwa. Amenii! Ubukata! Moneni! Nikwisa Ena abikile i Shina Lyakwe? Mu Mwanamwaume Wakwe.

211 “Oh,” imwe mwatila, “nombamba loleleni miniti umu, Munyina Branham. Uyo ali Mwanamwaume, te Wishi.”

212 Umwana lyonse alabuula ishina lyakwa wishi munshita shonse. Ine naishile pali ili sonde mwi shina lyakwa Branham pantu ishina lyaba taata lyali ni Branham.

213 Yesu atile, “Ine naishile mwi Shina lyakwa Taata Wandii, na imwe tamwa Mpokelele.” Bushe mulefwaya a Malembo pali

ico? Uwashila Yoane 5:43. Mwamona? “Na—Na ishile mwi Shina lyakwa Taata Wandi, naimwe tamwa Mpokelele.” Kanshi Taata abika i Shina Lyakwe Umwine, ilili ni “Yesu,” mu Mwana. Kabili Ena e Nshila, Ena e Mwinshi, Ena e Ng’anda, Ena emo Lesa asala ukubika i Shina Lyakwe. Lesa tabikile i Shina Lyakwe muli ine, Ena tatalile alibika Lyena mu lukuta, Ena tatalile a Libika mu Methodisti, Baptisti, Katolika, lelo Ena a Libikile muli Kristu Immanuele wa Subwa.

²¹⁴ Kabili i Shina lyaba mu Cebo pantu Ena e Cebo. Ameni! Bushe Ena cinshi nomba? I Cebo ica londololwa ekulangwa kwe Shina lyakwa Lesa. E mulandu wine. “Umubili no mulopa tafisokolwele ici kuli iwe, lelo Uwandi Taata uwaba mu Muulu nasokolola ici kuli iwe, Untu Ine naba. Kabili pali ili libwe Nkakula incende Yandi iya ku pepelapo, ne mpongolo sha kumbo tashaka I tenshe ukuwa.” Ameni! O mwe Chalichi ca mweo cakwa Lesa, iminineni pa mufula wakosa pali Yesu Kristu eka. Imwe kuti mwaimba ulwimbo, lelo ngacakuti imwe tamuli pali Kristu i Cebo, imwe muli mucanga walelenkana, uutwishika. “Kano pali ici Cilibwe,” Kristu, “Cebo Candi.”

²¹⁵ Ena akuliile imbila yabena Luther nabo bacipangile icilonganino. Cena calekula, icakunyantapo. Elyo Ena akuliile muciputulwa cakuulu, ba Methodisti, nabambipo. Apo e pantu Ena akuliile Chalichi Cakwe, pa Cebo Cakwe! Nomba, Ena telukasa lonse nangu itanta lyonse, Ena mubili; kabili nomba eciputulwa capetungi. Bushe mwalimona muma pyramidi? Icintu, Ine nshishimikila imipepele ya pyramidi, nomba.

²¹⁶ Lelo Baibele yakubalilapo iya lembelwe, yalembelwe mulwelele, ni zo-... [Tapali nelyo cimo paciputulwa ca tepu—Kale.] Bushe mwalicimona? Cena catampa na nacisungu, icintu cakubalilapo mu zodiaki. Icintu cakulekelesha ni Leo inkalamo. Ena abalilepo ukwisa ukupitila muli nacisungu, Aisa ukukonkapo nge Nkalamo ya mumutundu wa ci Yuda. Ilyo fye tacilati ifyo, ni nkulo ya kansa, isabi ilya papana mu lupanda, inkulo shonse ishashala. Ngacakuti ifwe twalikwete inshita ukupita muli fyo; fintu twacita, pe hema.

²¹⁷ Kabili pyra-...pyramidi ukuba niyo mifula, ukufika kumuputule wamfumu. Kabili ilintufye tamulafika icibumba calenga cinelubali, pali kalubao akanono akalembwapo palya, apo inkombe ifuma ukukutwala kumfumu. (Inkombe, Yoane Kabatisha, uwalepela, ku Mfumu.) Lelo i Libwe lyapetungi lyalikenwe. Kabili bena tabaishiba, i Libwe lyaku Scone, nangu fintu cili, bena tabaishiba kuntu lyena lyaba, pantu libwe lyakanwa. Lelo ilyo elibwe lisonseka icintu conse, ici cilenga ukuba pyramidi ukupwililisha inkulo cinelubali. Lundenipo ukusenamina, lundenipo *ici*, lundenipo *ici*, kuli ifya kulundapo cine lubali, uwakulekelesha ni Kristu. Lundeni *ici* kucitemwiko cenu, lundenipo ukusenamina kukusenamina kwenu, lundenipo

icintu cimbi, necintu nacimbi, mpaka cena cifike kuli Kristu e Libwe lyape tungi, “Kabili Ine nine Mwinshi.”

218 Nomba, umwanamwaume lyonse eshila mwishina lyakwa wishi. Umwanamwaume uuli onse eshila mwishina lyakwa wishi. Kabili Yesu atile, “Ine naishile mwi Shina lyakwa Taata Wandi.” Nomba i Shina lyakwa Taata cinshi? Bushe i Shina lya Mwanamwaume cinshi? Kabili Atile, “Pakashita akanono ne sonde talyakabale ku Mona, lelo imwe muka Mona.” Ee, Alisa mumibele ya Mupashi wa Mushilo, Ilyo i Shina ni Yesu. E mulandu wine baleshinshimwina, “O Yesu!” Mwamona? Mwamona? Taata, Mwana, na Mupashi wa Mushilo: Ni Shikulu Yesu Kristu. E pela. “Ine naisa mwi Shina lyakwa Taata Wandi, naimwe ta mwa Mpokelele.”

219 Nomba, ibukisheni, Ena nakabili alundilepo apa nokutusoka, “umbi akesa,” i cilonganino, isambilisho. “Bene bakesa mwi shina lyabo naimwe muka bapokelele. Ta mwaka Mpokelele, i Cebo ica shininkishiwa nokushininkishiwa kucinso cenu.”

220 Nga fintu Ena ali lilya line, eflyo Ena ali ilealo. Mwipusa ico, mwe bantu ukucilinganya cino calo! “Umbi akesa, ichalichi, naimwe mukacetekele ico, pantu kuti mwacitafye munshila iili yonse. Nshaka cishininkishe.” Ena tatala (pa nshita iili yonse, ukuba) ashininkisha icintu icili conse (mu chalichi icili conse) kunse ya Mbila iyapelwe: iyakwa Luther, ukulungamikwa; Wesley, ukusangululwa; Pentecosti, ukubweseshapo ifyabupe. Panuma . . . Kabili ilyofye bena bapangile icilonganino ukufuma muli cena, apopene cena cafwile. Fwayeni mu Malembo.

221 Lelo Atile, “Nkasala incende iyakubikapo i Shina Lyandi.” Kabili ilyo i Shina lyali ni Yesu. Na Yesu e Cebo, Uwashila Yohane 1. Bushe ico cacine? Iyo e ncende yaku pepelamo, muli Kristu i Cebo. “Naisa mwi Shina lyakwa Taata Wandi.”

222 Kasesema atile, “I Shina Lyakwe liketwa Imanuele.” Ico ni Mateyo 1:23, ngacakuti mulefwaya ukulembe co. Yesu, Yehovah, u Mupusushi.

223 Nomba, versi ya 5 ilelanga ukuti Ena e Mwinshi. Kuli nomba, ifingi ifishininkisho nafimbi ifishimoneka, iyi Mpongolo, ne Shina, ne ncende kuti fyashininkishiwa ukuti kwabafye incende imo intu Lesa akumanyamo umuntu ku kushinshimuna, neco lintu ena aba muli Kristu.

224 Nomba, nomba ilipusho nili, “Bushe ifwe twingila shani muli Ena?” Nomba, ici kuti cacenako panono; lelo, namwishiba, kwati kunwa umuti, ngacakuti taukulwalike, tekuti ukwafwe. Mwamona?

225 Nomba, abena Luther balefwaya ukwingilamo munshila imo, ukuilunda ku chalichi ca bena Luther. Ba Methodisti balefwaya ukwingilamo ukupitila mukupunda. Ba Pentecosti balefwaya ukwingilamo ukupitila mukulande ndimi. Ico naco

teco! Mwamona? Iyo, ifyo fyabupe, nafimbipo. Lelo Abena Korinti Wacimo 12 atila, “Ku Mupashi umo.” Mupashi wa kwa Lesa, icili ecakupela-u Mweo ku Cebo (u Lubuto), ukushininkisha lulya Lubuto ulwa ilya nshita. Mwamona?

²²⁶ Ulu apa ulubuto lwa nkulo yaba Methodisti nalulala palya, casendele u Mupashi wa Mushilo ukulenga lulya lubuto ukuba no mweo no kupwililika . . . ukuwamya ulukuta ukupitila mukusangulula; Luther tashimikile ico, pantu ena tacishibe. Ba Pentecosti balefwaya ukulandila mu ndimi ku kubwekeshapo kwa fya bupe. Cila umo alasosa, “Ico Eco! Ico Eco!” Mwamona?

²²⁷ “Lelo ku Mupashi umo ifwe bonse twalibatishiwa mu Mubili umo,” noyo Mubili elupwa, ulupwa lwakwa Lesa. Kabili iyo e Ng’anda yakwa Lesa, ne Ng’anda yakwa Lesa e Shina lyakwa Yesu Kristu. “I Shina lyakwa Shikulu e Lupungu lwamaka, abalungami babutukila kuli Lyena nokuba nobucingo.”

²²⁸ Nomba, kuti waingilamo shani kwi shina? Nimunshilanshi muntu ceke yenu ikapokelelwa kukutila, “Yapelwa kwifunde kuli—kuli Reverandi, Dokota, Kapyunga”? Mwamona? Mwamona? Iwe kuti waba reverandi, dokota, kapyunga. Lelo i *shina* lyakwa Shikulu ni “Yesu Kristu.” Mwamona?

²²⁹ “Ine nalisala ukubika i Shina Lyandi pamwinshi wang’anda iya kushinshimuna Kwandi, pantu ulupwa Lwandi luka kolongana mulya pesamba lya Mulopa; nga fintu cali mu Egypto, icintu conse icali kunse cafwile. Kabili umo tamwaba mukate wa citutumushi! Tamwaba ukutobenkanya kwa filonganino muli Yena apali ponse, Ing’anda yandi! Abana bandi, abafyalwa ku tubulungwa twa mibele Yandi!” Ameni! Ubukata kuli Lesa! “Utubulungwa twamibele yandi twaba muli bena! Shandi . . . Nabika i Cebo Candi muli bena. Nkafilemba pa fipapatu fya mitima yabo. Ulo e lupwa Lwandi, ulupwa lwa Mubili wakwa Yesu Kristu; ulupwa. Kabili uyu mwinshi imwe mukengilamo, te Methodisti, Baptisti, nangu Pentecosti, lelo mu mwinshi muntu Ine nabika i Shina Lyandi.” Te ba Methodisti. I Shina lyakwa Lesa te Methodisti. I Shina lyakwa Lesa te Pentecosti. I Shina lyakwa Lesa te Baptisti. I Shina lyakwa Lesa te Katolika. Beni kunse ya minshi kanshi. Mwamona? Mwamona? Mwamona?

²³⁰ “Lelo muncende muntu Ine nasala ukubikako i Shina Lyandi.” Nomba, takwaba incende naimbi mu Baibele iyapelwa umo Lesa abalile ukubika i Shina Lyakwe, kano muli Yesu Kristu, pantu Ena e Mwanamwaume wakwa Lesa uwasenda i Shina lyakwa Lesa, kabili i Shina lyakwa Lesa ilyabuntunse. “Kabili takwaba i shina limbi ilyapelwa pesamba lya Muulu uko imwe mufwile ukupusukila.” Ine nshilesakamana, Methodisti, Baptisti, Presbyteriani, bakatikishimu, nangu conse cintu imwe mulefwaya ukucita; ni mwi Shina fye ilyakwa Yesu Kristu muntu ikufi lyonse likafukama no lulimi ukulanda kuli cena, Ena ukuba Shikulu. Ifyo efyo imwe mwingilamo.

231 Kabili ngacakuti imwe mwabatishiwe fye mumenshi bwino—bwino, elyo kabili mwakana i Cebo, ninshi muli bana bamucani; ukufyalwa kwenu takwalungame. Imwe muitunga ukutila mwali Mu cetekele ilyo, kabili mule Mu kana.

232 Kuti Nakana shani ulupwa lwandi? Ilyo... Kuti Nakana shani Charles Branham ukuba taata? Icipimino camulopa pamwinshi cila cilangisha. Uu-uu.

233 Imicitile yandi, nokushininkisha kwa Cebo cakwa Lesa mumweo wandi kulalanga ngacakuti Ine ndi mwana wakwa Lesa nangu iyo. Nomba, iyo encendefye iya kwa Lesa. Mwa cimona? Incendefye iyo Lesa akapokelelamo ica kucilila cenu (Nshilesakamana fintu imwe mwaba abafuma cumi) ni muli Kristu.

234 Kabili ibukisheni... Imwe mwatila, “Ukuba, Ine nalicetekele; Ine nalingilamo naine.” Ibukisheni, Baibele yatila... Mwatila, “Ukuba, Baibele yatila, ‘Onse u ukacetekela ukuti Yesu Kristu Mwanamwaume wakwa Lesa, alipusuka, akapusuka.’”

235 Yena yasosefyo, lelo ibukisheni cena calilembwa *nakabili*, *nakabili* calilembwa, “Takuli umuntu uwingeta Yesu ukuti Kristu, kanofye ku Mupashi wa Mushilo.” Mwamona? Imwe kuti mwatila “Ena eo,” lelo Ena teo mpaka Mupashi wa Mushilo Umwine eka, uupela u Mweo ku Cebo, acishininkisha ukuti iwe uli mwana wakwa Lesa. Ayo e Malembo.

236 “Incende intu Ine nasala ukubikako i Shina Lyandi. Imwe mwikapepela mumpongolo iili yonse, kano mumpongolo Ine nkabikako i Shina Lyandi; lyena Nkamupokelela, imwe muli mulupwa Lwandi.”

237 Nomba, ulupwa lwakwa Lesa lunakila ubutantiko bwakwa Wishi walupwa. “Kabili Ena e Cilolo wa Mutende, Lesa Impalume, Wishi wa nshita pe; na kukukula kwa bukateka Bwakwe takwakabe mpela, bukateka bukaba pa mabeya Yakwe.” Kabili Ena ukuba Kateeka, Imfumu, Imanuele, Intendekelo, Impela, Cilolo wa Mutende, Lesa Impalume, Wishi wa nshita pe, onse uwamubana Bakwe alabeela conse i Cebo ukulingana nobutantiko pantu bena baba iciputulwa Cakwe.

238 Ifwe twikala mung’anda yesu ngafintu abena Branham bekala. Imwe mwikala mung’anda yenu, ba Jones, nga fintu abena Jones bekala.

239 Elyo mu Ng’anda yakwa Lesa ifwe twikalila ku Cebo cakwa Lesa na Conse icifuma mu kanwa kakwa Lesa; naumbi umbi, wabufi, ifwe tekuti tumfwe kuli ena. Mwamona? “Imwe mukalye umukate wabule citutumushi, cila nkulo ye chalichi, nga fintufye Ine nde Upela kuli imwe.” Lelo mwikesha ukubweleleko nokubikamo cilya uku lubali muli Ici, pantu cena nomba cifikile mumupeti. “Imwe mukabule amafupa nefintu ifikashalapo

ifye lambo nokufyoca!” Ukupita, inkulo ye chalichi yafwile, catwalilile; ifwe tuli muli imbi nomba. Amen!

²⁴⁰ “Incende *Ine* nasala kukubikako i Shina Lyandi.” Oh, owe! Uwakubalilapo Abena Korinti 12.

²⁴¹ Moneni Abena Efese 4:30.

...mwilenga Mupashi wamushilo uwakwa Lesa ubulanda, muli uyo mwa kakatikilwe mpaka u... (ukupuputulwa kule konkapo?)...mpaka ubushiku bwa kulubulwa kwenu.

...mwilenga Mupashi wamushilo uwakwa Lesa ubulanda, muli uyo mwakakatikilwe mpaka ubushiku bwa kulubulwa kwenu.

²⁴² Nomba moneni. Natubike ico ku Malembo yesambilisho lyesu. Elyo cingatuwamina ukuya; Ndetontokanya Ndenasha abantu. Mwamona? [Umo atila, “Iyo, taulecitefyo, Munyina Branham.”—Kale.] Lolesheni kuno, abantu baleima nokuya kung’anda, mwamona, eico bena bali—bena bali necakulya cilepya, na umo untu bena balefwaya ukukumanya. Bena tabacenekela ukwisa kuno kukumfwa akasuba konse. Mwamona? Lelo, moneni, na mwishiba i . . .

²⁴³ [Munyina Ben Bryant asosa icintu cimo—Kale.] Ben, oh, Ine mfwile ukubombela pali iwe! Akupale! Na totela, Munyina Ben. Ine nalikutemwa, Munyina Ben.

²⁴⁴ Ngacakuti imwe mwalishiba fintu ulya mulumendo acula palwa ifwe muli ilya nkondo; ena alilaswa monse, nokulepaulwa, nefintu fyonse ifyashala. Ena aba nobumi ubwapita muli fyonse, lelo Lesa alimupala. Ena aikele uwacishinka. Umukashi wakwe alimushile, abutuka aya nokupwa nakabili, nokusenda abana bakwe. Oh, owe, Ine ndefilwa nokutontokanya pali cena.

²⁴⁵ Lelo, nakuba, Lesa akupale, Ben.

²⁴⁶ Nalambalala no mwiina wa fipimfya fya fipolopolo, ifititikisha kumishipa yakwe na fimbi ifyashala. Icintu, imwe mufwile ukwishiba intampilo ya fintu, mwa mona. Lesa apale ulya mulumendo. Ee.

...muli uyo imwe mwa kakatikilwe mpaka ubushiku bwaku lubuka kwenu.

²⁴⁷ Moneni! Nomba ici kuti cacenako panono, lelo moneni. Mwintendwa. Ibukishenifye.

²⁴⁸ Lintu Israeli inshita imo aloleshe pali ulya mwinshi, pamo naulya mulopa pamwinshi, ishina (umulopa, umweo), nokwingila mukati pesamba lya ulya mulopa, tabatalile abafumina kunse nakabili mpaka bena ukufuma mu Egypto.

...mwilenga u Mupashi wa mushilo uwakwa Lesa ubulanda, muli uyo imwe mwingilamo nokukana

fuma nakabili mpaka ubushiku imwe mukalubulwa ukufumamo. (Mwamona?)

249 Na mwishiba, Baibele lyonse yali lungama. Abika i Fyebo mukati Mulya, imwe mufwile uku Ci bika apantu Ci fwile ukuba, kuku Cilenga ukuba, ukupanga conse icikope cabulubulo. Mwamona? Mwamona?

...mwilenga u Mupashi wa mushilo uwakwa Lesa ubulanda, muli uyo imwe mwakakatikilwe mpaka ukulubuka kwenu. (Mpaka imwe muka lubuke.)

250 Imwe mwali kakatikwa mukati mulya, imwe mwaliba pesamba lya Mulopa. Tamufumamo nakabili. Kabili nombamba bushe muli bani? Umwanamwaume wakwa Lesa mu lupwa lwakwa Lesa, abakakatikwamo ku Mupashi wa Mushilo. Ciwa tali nakukusenda nga cakuti aeseshe; pantu walifwa, iciputulwa cobe icumulume wakale califwa; kabili walishikwa, nomweo obe walifiswa muli Lesa ukupitila muli Kristu, nokukakatikwa na Mupashi wa Mushilo. Mwamona? Ni munshilanshi ena engakusendela iwe? Ni munshilanshi iwe ungafumina kunse? Iwe uli mulya! Ubukata! Nomba Ine nalasha ico; ifyalinga fye pakuti imwe mungeshiba fintu Ine ndesosapo.

251 Nomba icibumbwa cipya, tekucilonganino lelo ku Cebo. Imwe muli cibumbwa ca Cebo. Pantu ilibwe lya pa mufula lyabikilwe muli imwe ilintu umufula we sonde taulati, ukulashikilwa libela ukuba abanabaume na banabanakashi bakwa Lesa.

252 Kabili pali ici paishile ilibwe pe libwe, muli cila nkulo, kukushininkisha ico Cebo caleima, nga ifyofinefye Yesu acitile munkulo Yakwe, icili, Libwe lya pe tungi ilya fyonse. Muli Ena emwali inkulo yonse. Muli Yesu mwali Mose. Muli Yesu mwali Davidi. Muli Yesu mwali bakasesema. Bushe cacine co? Lolesheni pali Yosefe, ashitishiwe pepi ne sha silfere amakumi yatatu, ukuposwa mo, ukutila nafwa, ukufumishiwamo, nokuba kukuboko kwakukulyo kwa kwa Farao. Moneni, ifyofinefye, Yesu ali. . . Yosefe ali muli Yesu.

253 Kabili ilyo Aishile, Aali mwisulo wa shamfumu, bakasesema (alleluya), umutwe wabulesa mumubili wali muli Ena. Ena aishile kukulubula ukufuma mulya Nabwinga, i Cibumbwa cakupapa. I Cibumbwa cakupapa icitila kuli Satana ukuti. . .

254 Lintu atila, “Inshiku shafisungusho shalipita. Takwaba icintu camusango nga ifi fintu mulelandapo.”

255 “Pitila kunuma yandi, Satana.” Mwamona? Mwamona, i Cibumbwa icakupapa ukwiminina nokulinda.

256 Inshita imo i Libwe lya pe tungi likabwela, umutwe wa cintu conse, nokupokelela Nabwinga ku Mwine; icili umwanakashi afumishiwa ku mwaume, iciputulwa ca mwaume. Shonse. . . Utubulungwa twamibele ya mwaume twaba mumwanakashi,

utupanga umwanakashi. Kabili ifyo efintu i Cebo cakwa Lesa caba mu Lukuta, icipanga u Lukuta ukuba Nabwinga. Te cilonganino, cena cakwa ciwa, bonse muli bene. Ine nshile eba ifyo abantu abali mulya; bena bantu ababusu ababepwa, nga fintu Yesu atile, “Impofu ukutungulule mpofu.” Na Ena tabetile ukufumamo.

²⁵⁷ Kabili bena batile, “Cinshi, iwe wafyelwe kubulalelale! Nani akwebele ukwisa kuno? Lisukulu nshi, ni seminali nshi ya kusuminishe?” Batile, “Ifwe twalikwata Mose. Ifwe tuli . . .”

²⁵⁸ Atile, “Ngacakuti imwe mwalimwishibe Mose, imwe nga mwali njishiba Ine.”

²⁵⁹ Pantu Mose a Mulembele mu fitabo fyakwe fine, “Shikulu Lesa wenu aka mwimisha Kapela wa Cebo, Kasesema uwa pashanishiwa kuli ine, na ushakomfwe ulya Kasesema aka putulwako ukufuma pa bantu.” Ifyo efyo cili palici. Kabili Ena ninshi? I Cebo. Kabili Ico cinshi? Mwikashapo nangu cimo ica citutumushi icashala mu . . . Mufyenu . . . mwikabika fye icitutumushi pali Cena. Mwikalundako isambilisho ilili lyonse, icilonganino icili conse, ninshi cena cakowela apopene, ilambo lyenu lyapwa.

²⁶⁰ Natwangufyanye nomba, bwangu bwangu, pakuti imwe mwingayalya.

²⁶¹ Moneni! Nomba, lyena, iwe uli umwanamwaume wakwa Lesa, mung’anda yakwa Lesa, uli ciputulwa cabunonshi bwakwa Lesa. Abenaroma 8:1, “Eico takuli nomba ukusekwa ku bali muli Kristu Yesu.” Pantu bena balifwa kwisonde, ba mweo muli Ena, kabili baleikalila muli bunu bushiku, ukulenga i Cebo ukuti Lesa ali babomfya, nangu abalashikila libela, ukubika amashina yabo muli ici Citabo cakwa Nabwinga. Kabili lintu a Menshi yaisa pali lulya lubuto ululi mu mutima, ukulwimya ukufika pali Nabwinga wakwa Kristu. Oh, owe! Icapwililikafye ngafintu cingaba. Muli cila nkulo cena caba munshila iyo.

²⁶² Abena Luther, pesamba lya kulungamikwa, amakasa, bacikushishe ngefyo; Wesley, pesamba lya kusangululwa. Ba Pentecosti pesamba lya maboko, imilimo nemicitile nafimbipo, bali nokuba abena Calvin . . . nangu bali nokuba abena Arminia, bali nokuba abena mafunde. Lelo nomba twafika kumutwe, ilibwe lyapa nsonshi. “Ukusenamina! Ukusenamina!” ilibwe lyapa nsonshi lya pundile.

²⁶³ Ilibwe lyapa nsonshi ukupunda finshi? “Ukusenamina! Ukusenamina!” Ukupita ukufuma kumfwa na masambilisho, ukwingila mu Cebo ca mweo icakwa Lesa wamweo. Ubuteyanyo fye ubwakwa Lesa ubwapelwa kunkulo Yakwe, abanabaume Bakwe munkulo ya Cebo abalengwa ukuba no mweo ku Mupashi ngo kwambuka ukwa asha icintu cimo ukucilenga ica mweo; kabili ukwikala nomba muncende sha mummyuulu (muli ino ine nshita), kale aba mweo nokuba abakuma kubulayo bonse

mu Cebo. Nomba cinshi ico cicita? Imwe ukuba iciputulwa ca luseke lwakwa Lesa, iciputulwa ca Cebo, bambi abantu ukuba iciputulwa ca Cebo cakwa Lesa, ukwikala pamo, ukulanga umupwilapo wa Mubili wakwa Kristu, pantu tapali icitutumushi pakati kenu. (Mwamona fintu Ena alelandapo, Munyina Brown?) Ukwabula icitutumushi pakati kenu, i Cebofye epela, ukwikala muncende sha mumyuulu, mumwinshi muntu Ena abika i Shina Lyakwe: Kristu Yesu.

²⁶⁴ Takuli icitutumushi pakati kenu, ico cileta umwisulo onse uwabulesa mu mubili pakati kenu. Ta cacitike mu nkulo yakwa Luther, tacacitike mu nkulo yakwa Wesley, tacacitike mu nkulo yaba Pentecosti; lelo mubushiku ilyo u Mwanamwaume wa muntu akalangwa, ukusokololwa, ukubweshwa i Chalichi pamo naonse Umupwilapo wakwa Lesa pakati ka bantu Bakwe, ukulanga ifishibilo fimofine ifimoneka, ukuilanga Umwine nga fintu Ena acitile pakutendeka ilintu Ena amoneke pesonde mumibele yakwa Kasesema Lesa. Oh! Ubukata! Calailwe na Malaki 4, calailwe ku Malembo yonse ayashala. Nikwi imwe mupepa? I ng'anda yakwa Lesa, ukwikala (muli ino ine nshita).

²⁶⁵ Nomba, mu kwangufyanya, natu loleshe bwangu bwangu nomba, elyo lyena tutwalilile nalimo. . . Muli ba miniti ikumi ifwe twa laya, Shikulu nga atemwa.

²⁶⁶ Nomba natuloleshe pali bamo abalengwa ukuba nomweo muli iyi ng'anda yakwa Lesa, kunkulo yabo.

²⁶⁷ Enoki! (Muli ba miniti ikumi twalaya, ngacakuti kuti mwashipikishako pali iyo nshita.) Moneni, Enoki ali Cebo camweo icakwa Lesa kunkulo yakwe, ena ali kasesema.

²⁶⁸ Kasesema ecilola cakwa Lesa. Nibanga abaishiba ico? I—icilola taci ilanga icine, i—icilola te cikope. Kufwile kwaba icintu cimo icakusanika pacilola—icilola pakulenga cena ukuti cilange. Eico kasesema cipe casalwa icakwa Lesa icishingalanga nangu cimo lelo alungatana na lulya lubuuto, Lesa, ukulanga icipasho cakwa Kristu, i Cebo. Mwamona, takuli icintu cimbi ici nga cicita. Imwe muli cilola, e mulandu wine kasesema ali nokuliile citabo. E mulandu wine ali nokulya umufungilo. Ena ali nokulanga cilya Cebo ca nkulo ilya. Imwe mwa cumfwa?

²⁶⁹ Moneni Enoki, icilola cakwa Lesa icapwililika mucipasho. Ilyo Lesa apwishishe—apwishishe na ena, Ena amwalwilefye, amwimishe ukumusenda. Ifilundwa fintu alangile fyaishileba amaka pamo no Mupashi, nokumusenda.

²⁷⁰ Cimo cine munshiku shakwa Eliya. Eliya, nakumafupa yakwe yena, uko cilya icikope. . . Icilola cakwa Lesa mu mubili wakwe ukulalengwa ukulangwa i Cebo cakwa Lesa. Bena batambalika umuntu wafwa pali ena, ena abukile ukuba uwamweo nakabili. Ifwe tuli mubili kabili ifupa Lyakwe, apo ifwe tuli Nabwina wakwa Kristu. Bushe mule cetekela ico? Cisuma. Ena atufwilile, naifwe twafwile kuli fwebene kabili

twashikilwe mwi Shina Lyakwe, ukuti ifwe “twikaba nakabili aba mwisonde, lelo muli Ena,” umo bonse babili ulupwa mu Muulu lwa inikwa Yesu Kristu. Ico ni Abena Efese 1:21. Pantu onse u Muulu. . . ulupwa mu Muulu. Bushe ulupwa mu Muulu lwainikwa shani? Yesu. Bushe ulupwa pesonde lwainikwa shani? Ukuba iyo ning’anda yakwa Lesa apantu paba u Mulopa. Bushe ico cacine? Uyo emwinshi, iyo empongolo, iyo encende Ena abikako i Shina Lyakwe, kabili i Cebo caishileba umubili nokwikala pakati kesu. Cena e Cebo cilelanga nokwasha inkulo intu imwe muleikalilamo. Ifyo efintu Aali, ifyo efintu Mose ali, ifyo efintu Yakobo ali, ifyo efintu bonse abashala muli bena bali, ukwaka ukufuma kuli cilya Cebo cakwa Lesa, icilola ukuti Lesa aleilanga Umwine. No kufika kuli cilya cipasho capwililika icakwa Lesa, Yesu Kristu, Icibumbwa icakupapa icakwa Lesa, Ica tobelwe ukuti Enga senda abashala muli bena kuli Nabwinga ababa ifilola.

²⁷¹ Mose ali muli Ena. Yoshua ali muli Ena. Kabili imwe ngacakuti muli muli Ena, imwe mwali muli Ena lintu umufula we sonde taulati, ulupwa lwakwa Lesa; mwa culile Nankwe, mwafwile Nankwe, imwe mwaile pa lupanda Nankwe, mwabukile Nankwe; kabili nomba imwe mucili Nankwe, ukwikala muncende shamu Myuulu, ukulanga i Mbila ya nkulo kwi sonde, u Lubuuto lwe sonde. “Imwe muli u Lubuuto lwesonde,” lelo ngacakuti nacifiswa mumuseke wa cilonganino, bushe bena kuti ba Ci mona shani? Ku ntambi shenu, mulenga u Lubuuto ukuba ulwafye! Kukwasha. . . Imwe mwe filonganino, ukwasha ukutalusha u Lubuuto ukufuma kulukuta lweni; imwe tamwingilamo, kabili tamu ba suminisha. Amen.

²⁷² Na twimininefye. Mwe, Ine ndi nefingi apa. Ifwe—ifwe kuti twa twalilila. . . Oh, mwe! Tukwete ba miniti basano.

²⁷³ Mwamona umwinshi ninani? Ni kwi uko Lesa abikile i Shina Lyakwe? Muli Yesu. Mwingila shani mwi Shina Lyakwe? Mwingilamo shani umo? Kukubatishiwa umo! Munshilanshi? Ku menshi? Ku Mupashi! “Shikulu Umo, icicetekelo cimo, ulubatisho lumo.” Ico lubatisho lwa Mupashi wa Mushilo.

²⁷⁴ Ulubatisho lwa mu menshi lwa mibikilefye mwisenge nabantu, abo imwe mwasuminisha ukuti imwe mwali pokelela Kristu. Ico e Cishinka. Lelo lubatisho lwaku Mupashi. Ine kuti naita pe Shina lyakwa Yesu pali imwe nokumubatisha, ico tacibomba ifyo.

²⁷⁵ Lelo ilintu fye ulya Mupashi wa Mushilo icinecine. . . icinecine i Cebo caisa muli imwe (i Cebo, Yesu), nomba, munyina, i Mbila tecankama kuli imwe lyena; namu Cishiba, munyina, Yena na yaka kucinso cenu. Alleluya! Amalumbo kuli Lesa! Amen!

Ine nali Mutemwa, Ine nali Mutemwa
 Pantu Abalilepo ukuntemwa
 No kushita ipusukilo lyandi . . .

Mwe Lesa watemwikwa, Na pepa ukuti Imwe mwala undapa abantu, Shikulu, nokulenga cila umo ukupola. Mwi Shina lyakwa Yesu Kristu. Amen.

²⁷⁶ Oh! Icitemwiko! Oh!

Ukutulafye, kucicetekelo Ine namwene kalya kamulonga
 Ifilonda fyenu fyalesumya, (ukufuma kuli cilya Cibumbwa cakupapa.)
 Icitemwiko cakulubula lwaba e lwimbo lwandi,

²⁷⁷ Musango nshi imwe...? Lesa Kutemwa. “Uyo uutemwa wakwa Lesa,” Bulesa, icitemwiko camushilo, tecitemwiko cafiko; icabusaka, icapwililika, icitemwiko camushilo, icitemwiko cakwa Lesa i Cebo. “Amafunde Yenu ine nafisa mu mutima wandi, ukuti Ine nimbembuka kuli Imwe,” oh, owe, ulya Davidi ukupunda. Bushe Ena tewakupapusha? Bushe imwe tamwa Mutemwa?

²⁷⁸ Nomba, kuli i Nshila, iya pwililika, Inshila ya mushilo, incende fyeyeka iya kukumaninamo intu Lesa aka mukumanyamo. Te pantu imwe mwatila, “Lesa, nomba, Ine ndi umwina Methodisti umusuma. Ine ndi umwina Baptisti umusuma. Ine ndi umwina Pentecosti umusuma.” Iyo! Mulandu imwe muli muli Yesu i Cebo, iciputulwa ca Cebo icilelangwa i ilelo, iyi Mbila ya *buno* bushiku; teyakwa Luther, Wesley, Pentecosti; lelo Yesu wenu, icikope, ica isa ukufika *apa*. Imwe tekuti mubwelele kuli *cilya*, ico kulunda icitutumushi ku Mukate wenu uwashila, ukuti, “Umuntu akekalila ku Cebo conse icifuma mukanwa kakwa Lesa, munshita ya Ciko.”

²⁷⁹ O iseni, Shikulu Yesu, mwe Libwe lya petungi likalamba. Lolesheni abalala bushilya, ulukungu lwa balya abena Luther aba fwile kulya kunuma pesamba lya bafwilile ubulungami; lolesheni kuli balya abena Methodisti.

²⁸⁰ Balya ba Pentecosti nabambipo, ukwima nomba, abene bene abasubwa abafuminemo.

²⁸¹ Imwe ba Assemblies of God mwaile nokwampanya, ilintu icintu cimo cine Lesa amufumishemo, imwe mwaaluka ukubwelelamo nge nkumba kumatipa yaiko.

²⁸² Imwe ba Oneness, United, aba kale ba J.C. baku... Pentecostal Assemblies of Jesus Christ. Imo iyabafita, nokuipatulula mwebene umulandu wakapatulula. Imwe mwebacitile ico, kabili elyo mwaikatene pamo nokuciita “United.” Kabili elyo mwabungenye, nokulasusha ba Assemblies: “Nga fintu imbwa ibwelela kumalushi yaiko.”

Ngacakuti amalushi yalengele imbwa ukuluka pakubalilapo, bushe tayakalenge yena ukuluka nakabili? Pilibuleni icakulya cenu ukufuma ku cilonganino cenu ukwisa ku Cebo, nokwikala na Kristu. Casoni kuli imwe!

Nalikwata Taata kulya kwishilya,
Nalikwata Taata kulya kwishilya,
Nalikwata Taata kulya kwishilya,
Kulya kwi Shilya.

Bumo bushiku busuma Nkaya noku Munona,
Bumo bushiku busuma...nkaya no ku
Mumona,
Bumo bushiku busuma Ine nkaya noku
Mumona,
Kulya kwi Shilya.

Oh, bushe kulya takwakabe kukumana kwa nsansa!

Bushe kulya...(i Cebo ciya ku Cebo!)...
ukukumana!

(Ilyo Nabwinda aya mu mulu, i Cebo ku
Cebo.)...ukukumana kwa nsansa!

Kulya kwi Shilya.

Oh, ubo bushiku busuma kuti bwaba mailo,
Ubo bushiku busuma kuti bwaba mailo,
Ubo bushiku busuma kuti bwaba mailo,
Kulya kwi Shilya.

283 Imwe mwatila, “Iwe ulepilibula ico, Munyina Branham?”

284 Ee, mukwai! Ilyo abena Luther bailya nkulo, abena Wesley ku nkulo yabo, abena pentecosti ku nkulo yabo (aba cine, te filonganino); ba Pentecosti, balya abalundileko icitutumushi (icilonganino cabo), bafwile. Lelo ici Cebo cacine ciletwalilila, mwamona. Nga fintufye Yesu asosele, “Muli ubo bushiku, imwe mukeshiba ukuti Ine naba muli Taata na Taata aba muli Ine, na Ine muli imwe na imwe muli Ine.” Conse i Cebo!

Oh, bushe kulya takwakabe ukukumana
kwa nsansa!(Ilyo abana baume Bakwe
bakalongana ku mpongolo Yakwe.)

...ukukumana kwa nsansa!

Bushe kulya takwakabe ukukumana kwa
nsansa!

Kulya kwi Shilya.

285 Nomba, mwe chalichi, ifwe tulefunda nomba. Lelo, ibukisheni, lintu mulefuma pano, tampeni ukufuma mucipapa nomba; imwe muleingila muluseke, lelo ikaleni mu Kubapo kwa Mwanamwaume. Mwilundapo, pafyo Nsosele; mwifumyapo, pafyo Nsosele. Pantu, Ndesosa i Cishinka ukulingana nefyo Ine na Ci shiba, nga fintu Taata apela kuli ine. Mwamona? Mwilunda kuli Cena, soseni fye fintu Nsosele.

286 Icintu pali cena nici, ebeni fye abantu ukwisa fwaya Shikulu Yesu. Na imwe mwebene ikalenifye mu Kusangwapo Kwakwe, pelenifye icitemwiko kuli Ena, “O Shikulu Yesu, Umwanamwaume wakwa Lesa, Ine nali Mu temwa. Sungeni umutima wandi, Shikulu. Fumyenimo fyonse ifibi no kutemwa kwe sonde, nokuleka ine njikale uwamushilo mwi sonde lino kucinso Cenu.”

287 Na tukontamike imitwe yesu mwipepo. Nomba, natumone, bushe natukwata umo uusalilwe ukutufumya mwipepo? Nangu, Nalacita, kanshi. Beni abamucinshi.

288 Mwe Lesa watemwikwa, ifwe twa Mutotela ukuti ifwe twalya icakulya caku mupashi. Ifwe twa Mutotela, Shikulu, ukuti umufundo wa Cebo ukusha abanabaume bakwa Lesa. Ta ukuma ku musango wamibele imbi, kano pabanabaume nabanabankashi bakwa Lesa. Eico ifwe twa Mutotela pali Ci. Kabili twapepa, mwe Lesa, ukuti ifwe twala nonkelamo mulici, ukuti tatwa Mu totelefy. Ifwe twa Mu totela pali Cena, lelo lekeni tubomfye amaka kukwasha (ku Citemwiko) ukucincisha abantu ukucetekela muli Lesa wesu; abataluka, ababembu, abanakashi, abaume, abalumendo, abakashana, muli iyi nkulo.

289 Ukumona, Shikulu, ukuti imibele ya matontonkanyo, inkulo ya mwenso intu abantu baleikalilamo, cilebalenga ukufulungana; ukufikilishafye fintu a Malembo yasosa nokulaya, ifintu ifyakutinya ifikalamba fikesa pe sonde; kwati niba makanta, ukulungulusha abanakashi abaputula umushishi wabo, bena bakakwata umushishi uutali kwati mwanakashi. Ne fintu ifyalekana lekana ifibi mu mimonekele ifyo bena bakalamona, Shikulu, muli ilya mibele, yakufulungana bali mo, nokulapundila amabwe nempili. Abanakashi abakalalela imbwa nabapushi, nokukanakusha abana abakucindinka Imwe. Aba bantu Imwe mwapele abana kabili ba imite, no kuba lekelako mumisebo ukucita fintu bena balefwaya. E mulandu Imwe mwasosele, Shikulu, ilintu Mwaleya palupanda, “Elyo bena bakatampa ukulilila kumabwe na kumpili ukuponena pali bena.”

290 Tulemona icintu conse cilepalamina kuli iyi nshita. Ifwe tulemona a Malembo ukushininkishiwa, ukushininkisha. Kabili nelyo fye ifwe tulemona i Co, Shikulu, Imwe namenso yesu fye (ukuba abalangwa), ubushiku bumo kukaba uku Sumbulwa na ifwe tukamona ukulangwa kwa cilya Cebo, “Pantu u Mwana wamuntu akesa mu makumbi yabukata, naba Malaika Bakwe aba mushilo pamo Nankwe, naifwe tukolulwa kuku Mu kumanya mulwelele.” Cikaba nomba. . . Ifwe tulecumfwa nomba, elyo ifwe tukacimona namenso yesu.

291 Natusangwe muli Ena, Shikulu, incendefye yeka iyapelwa. Kabili Ena e Cakucilila. Ifwe twaleta Ena, ifyo ifwe twaumfwa pali, Yesu Kristu, mu ng’anda yakwa Lesa ukupitila mu

lubatisho lwa Mupashi wa Mushilo, mwi Shina lyakwa Yesu Kristu. Kabili kulya Icakucilila cesu cilapokelelwa naifwe tulaletwa mulupwa; pantu, ukuba abaluba mwisonde, ifwe twali lashikwa ukuba abana baume nabana banakashu bakwa Lesa lintu umufula we sonde taulati ebeko. Twa Mu totela palico, Taata. Oh, nimunshilanshi umuntu uli onse engabwelelamo pacintu camusango ngoyo, ilintu bena basanga i Cishinka, ukuti Lesa abasalile ukufuma mwi sonde? Kwali abantu imintapendwa abalubile, ubushiku ubo Na puswike.

²⁹² Mwe Mwana wa mpaanga uwalefwa, kuti Na Mu totela shani? Kuti umutima wandi waba uwa mucinshi shani ku cinso Cenu? Ngafweni, mwe Lesa watemwikwa, ukwikala uwacishinka. Afweni abantu bandi ukwikala abacishinka. Na balombelako, Shikulu, cila umu, ukuti Imwe mwalacita, Lesa, munshila imo, Ine tekuti . . . Nshishibe nimunshilanshi . . . Ine tekuti njishibe munshilanshi, ifyakulombafye, Shikulu; kabili limbi Ine nshileipusha ico namunshila yalungama. Lelo Imwe mwelele ukukana ishiba kwandi, Shikulu, nokuloleshafye kumutima wandi. Na pepa ukuti kwikaba nelyo umu pali bena uukaluba, nangu umu pali bena, Taata. Ine nabeta, cila umu, kuli Imwe. Mwi Shina lyakwa Yesu Kristu. Ameni.

Ine nali Mutemwa, Ine . . .

Kabili imwe nga mwali Mutemwa, mukatemwana umu nomunankwe. Poshanyeni cila umu muminwe.



INCENDE FYE IYA KWA LESA IYAPELWA IYA KU PEPELAMO BEM65-1128M
(God's Only Provided Place Of Worship)

Iyi Mbila na Munyina William Marrion Branham yaletelwe intendekelo mu Cingeleshi pali Sondo ulucelo, Cinshikubili 28, 1965, pa Life Tabernacle mu Shreveport, Louisiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org